






Inches
Centimetres
TIPPEN Color Control Patches
© The Tippen Company, 2007










水月寺藏印



儀徵阮雲臺
無錫秦小峴
兩先生鑒定

鶴徵錄

漾段老屋藏板

鶴徵錄叙

鶴徵錄者嘉興李君既方與其從弟慶伯所輯康熙己未博學鴻詞科所徵士一百八十六人之名俱在也蓋自


聖祖仁皇帝又安區宇削平諸叛亂天下之民亦既出水火而登諸衽席於是

明詔天下勤學修禮崇化厲賢特開制舉之科以罔羅海內耆碩魁奇閎達之士夫大樂之成非取乎一音嘉膳之和非取乎一味聖人之德非取乎一道今觀所登用者亦既躋玉堂參紫闕上之論思密勿佐

聖天子開太平之治次亦作漢二史成唐一經炳炳燦燦垂不朽之盛業卽其罷遣不敘者亦多高文著述足自表見後世能

言之士未能或之先也嗚呼盛哉竊嘗論之文章之運與國運
皆為盛衰故世道邳隆必有奇才績學非常之人出而昭
其斯固相得而益彰也然當興朝啟運則所謂黼黻昇平
必皆從龍之彥而每多勝國所謂遺則當其生之固已知天
之有在也夫以彼其初當道喪文弊之時洊罹兵革盜賊
蹂躪之虞幾幾乎不自保矣而乃推排隱約蹶然興起應
其世弓旌之盛典抑何幸也蓋君子之學非為通也為窮而志
不三變而意不衰也然其遭罹不幸不獲觀興王之運而遂以
其不幸者則又不知其幾也乃益以歎見於錄者之為大幸
其具諸人名位里貫亦稍詳其本末其不可考者闕之昔周
禮有采之士所執贄而師見者十二人窮巷白屋所先見者

四十九人時進善者百人教士千人而召康公之告成王曰
藹王多吉士惟君子使媚於天子不必有姓名可稽也又况諸
人者姓名具在當時稱之後世傳之即以視登用諸賢稱
國朝大科之選者何愧焉既方兄弟為徵士秋錦先生之來孫
此錄蓋經三年成之余故樂為之敘使後之人得有所考云嘉
慶二年十月日桐鄉馮集梧




論徵錄續輯序

昔天子自詔者曰制科所以待非常之才漢時上嘗稱制詔道
 其所欲問而親策親覽之若博學宏詞一舉助於唐之中葉開
 元間吏部選未滿者試賦詩論三篇中在與授官名相如陸裴
 文人如劉柳皆繇此選以昌黎之學識三試吏部一既得之又
 黜於中書自陸忠宣而下僅六七人而止然此皆以試選入非
 所稱詞學之大科也宋至紹聖初始立宏詞科許進士及第者
 詣禮部請試每取不得過五人大觀中改詞學兼茂科紹興三
 年復立博學宏詞嗣後所取或三人或二人或一人多有至卿
 相者紹熙庚戌則闕而不取蓋與選之難若此惟我

聖祖仁皇帝崇儒重道法古制科取士特開博學宏詞科內外

臣工共薦舉一百八十有六人其才皆不可一世中選者五十人同入翰苑纂修明史得人之盛誠前古所未有也吾里朱竹垞先生嘗謂同時被薦百八十六人皆著作之才不可以無傳思成鶴徵錄一書未及屬稟先從祖敬堂先生晚年歸田欲仿竹翁之意爲此書僅輯四十餘人卽於是年捐館舍殘墨模糊幾不可識讀富孫從先生游者十餘年聆先生之緒言最悉迺與從弟遇孫續爲纂輯而百八十餘人之出處事蹟崖略具備式一摺仰焉如星辰之並麗於天也如江河之並滙於海也如鐘鏞之並奏於庭球琳琅玕鼎彝珍寶之並燦陳於一室也猗歟盛矣顧見聞淺陋未能芻蕘博采僅就耳目所及綴述遺佚不第以承兩先生之志亦足見我


朝開國之人材其德業政事理學文章足以炳耀古今而不朽於後世者有非唐宋時所能及其萬一耳嘉慶二年歲在丁巳六月既望富孫謹敘



鶴徵錄小敘


向者竹翁晚年欲爲鶴徵錄而未就蓋因己未同舉之一時名賢毋論遇不遇崖略其人之人品學問而傳之天下後世誠後死者之責也集少時見曾大父藏書閣中有一箱啟視則前輩詩文還往書札皆屬焉中一卷專記己未

召試京師人數事實今蒐之不復得悵悵於心放廢餘生年且大盡思續成之而表弟徐斐然惠予以鈔本目錄孫壻汪奏雲從吳淞王氏得齒錄以畀子孫而得其人數大略嗚呼士之遇不遇天也而其品詣之孤峻學殖之蟠溪所謂精氣光怪不可得而磨滅者非其人不足以傳也嘗綜古今之人才而論之三



經片有石此... 杜
入學士之詞章孔氏之正義為鄭君後一人至不
道學而人才冥明專以經義取士而人才愈衰中葉有王
以不世之勳而為命世大儒其後唐應德歸熙甫沿其
流而溯其源維持不敝至明季而通經師古之士日起吾
朝龍興際其盛而收人才之大成言此百八十年人之學術
上而下通下而輿地中而人事其才施之無所不周惟漢唐
初年能及之嗚呼盛矣小子集謹守先公之藏書錄中諸前輩
大率先公交好其遇者協贊休明為

國家黼黻不遇者窮經皓首希蹤鄭孔其所著半涉家藏墜聞
軼事則得之老輩流傳趨庭訓示所謂文獻者亦備於是焉是
錄所述意在表揚遺行散華落藻點筆紛披以志一時之盛若
諸公出處大節則有傳誌墓銘匪茲錄所能概云乾隆甲寅八
月朔日李集序




鶴徵錄凡例

薦舉名冊得於同里徐敬齋丈云朱氏曝書亭本鈔自外祖家錢先生又持朱竹垞太史女夫也竹垞嘗欲輯此書以是冊屬錢先生踵成之今略照其目

王阮亭池北偶譚云己未鴻詞內外薦到者共一百八十六人方渭仁松窗筆乘云是時大臣科道題薦八十三人各衙門揭送吏部七十二人督撫外薦三十一人共一百八十六人先徵士秋錦及在京記錄諸公名摺人數亦同至愚山年譜云同試者一百七十五人依垞年譜云同徵一百九十餘人俱屬舛誤曝書亭本又增顧氏炎武林氏鵬二人茲不載

入



吳星叟以稱宗孟爲到京與試王阮亭以王鉞爲辭薦不赴
餘如章貞董俞夏苗王宏撰朱昱等有臨期而不與試者今
仍照曝書亭元目不復改易

與試未用曝書亭元日以楊還吉爲首亦祇隨手編錄竝無
次序今略以科目輩行爲前後其無科目者另爲編次

竹垞年譜所載本名鶴書集曾有手彙數十番在同里王梧
邨處又名鶴徵錄今梧邨書已散佚無存此彙亦不可訪求
其體例未知何似先從祖定從竹垞屬彙之名其不用傳體
者以便條附軼聞

先從祖原輯四十餘條於各人小傳下先列於前富孫等續
輯者以某按別之不至混淆

先從祖纂輯之意務在蒐羅遺聞佚事以表揚其徵家傳墓
銘人所共知者不備採錄惟先徵士公下略載朱竹垞所撰
行狀誠恐舉一二瑣事不足盡先人之善并獲知而弗傳之

戾

先徵士公嘗欲選文緯一書當時諸公咸投贈詩文以冀入
選故家藏較夥可資蒐採然所儲究屬有限與弟遇孫續輯
此書同志諸君贊助之力爲多

竹垞謂同時薦舉諸人皆著作之才不可無傳蓋其遇者事
功文章固在人耳目間不遇者亦皆蘊積非常但年代既遠
見聞淺陋尚有十餘人事蹟未能廣爲蒐輯詳其梗概統望
博雅君子指示不逮幸甚

是科薦辟為曠代未有之典人材亦稱極盛其有故實見於
他書未盡摭采者伯兄引樹別錄雜綴一卷竝附於後

富孫謹識

鶴徵錄目錄

卷首

上諭 部議

卷一

一等二十人

彭孫遹

倪燦

張烈

汪霏

喬萊

王頊齡

李因篤

秦松齡

周清原

陳維崧

徐嘉炎

陸棻

馮勗

錢中諧

汪楫

袁佑

朱彝尊

湯斌

汪琬

邱象隨

卷二

二等三十人

李來泰 潘未 沈珩 施周章 米漢雲

黃與堅 李鎧 徐鈞 沈鈞 周慶會

尤侗 范必英 崔如岳 張鴻烈 方象瑛

李澄中 吳元龍 龐璽 毛奇齡 錢金浦

吳任臣 陳鴻績 曹友溥 毛升芳 曹禾

黎騫 高詠 龍燮 邵吳遠 嚴繩孫

卷三

授內閣中書舍人七人

王方毅 朱鍾仁 申維翰 王嗣槐 鄧漢儀

王吳 孫枝蔚

未與試授內閣中書舍人二人

傅山 杜越

未試丁憂十四人

曹溶 戴王綸 汪懋麟 王穀章 陸隴其

惠周惕 錢芳標 陳學夔 張貞 柯崇樸

柯維楨 黃虞稷 彭桂 林以畏

未試病故二人

葉舒崇 陳九勝

未試致仕一人

祝宏坊

卷四

患病行催不到十三人

卷五

與試未用三十人

應擢謙 嵇宗孟 黃宗義 李容 魏禧
張九徵 張新標 顧豹文 王追騏 范鄙鼎
陸舜 顧景星 蔡方炳

趙進美 畢振姬 王岱 孫棨 上官鑑

法若真 王紫綬 楊毓蘭 張能鱗 王孫蔚

潘颺言 張端徵 張含輝 王廷璧 田雯

馮雲驥 傅辰 嵇永福 章貞 程必昇

李念慈 侯七乘 毛際可 徐之凱 徐孺芳

葉封 王鉞 林堯英 趙廷錫 陳宏

卷六

與試未用三十七人

劉瑞遠 魏學渠 顧鼎銓 田茂遇 宋實穎

董俞 江闈 徐懋昭 李開泰 李芳廣

陳玉璣 任辰旦 儲方慶 王祚興 高向台

趙驪洲 馬駿 白夢庸 許孫萃 許自俊

張英 程大昌 高層雲 李瑞徵 王含真

金居敬 陶元淳 李大春 葉灼棠 譚吉璫

施清 陸次雲 潘藩大 張霍 趙廷颺

宋維藩 朱培

卷七

與試未用三十人

陸元輔 吳 震 李良年 徐林鴻 陳 莢

吳農祥 葉奕苞 閻若璩 郎戴瓚 馮行賢

鄧林梓 王宏撰 楊還吉 羅 坤 朱士曾

徐咸清 夏 駟 陳 僖 宋 涵 葉方蔚

成其愿 紀 昊 程 易 戴茂隆 許先甲

周起莘 黃 始 陳懷貞 宋 昱 邵允彝

卷八

雜綴

康熙十七年正月二十二日內閣奉

上諭自古一代之興必有博學鴻儒振起文運闡發經史淵源

詞章以備顧問著作之選朕萬幾時暇游心文翰思得博洽

之士用資典學我朝定鼎以來崇儒重道培養人材四海之

廣豈無奇才碩彥學問淵通文藻瑰麗可以追蹤前哲者凡

有學行兼優文詞卓越之人無論已未出仕著在京三品以

上及科道官員在外督撫布按各舉所知朕將親試錄用其

餘內外各官果有真知灼見在內開送吏部在外開報於該

督撫代為題薦務令虛公延訪期得真才以副朕求賢右文

之意爾部即通行傳諭遵行特諭欽此

康熙十七年十一月初一日大學士索額圖奉



旨各大臣官員題舉才學官人俟全到之日考試其中恐負寒
難支亦未可知著交與戶部除京城現任官員外其官人布
衣酌量給與食用以副朕求賢重文之意欽此

三斗至考
試後停止

康熙十八年正月十七日奉

上諭吏部朕以萬幾時暇畱心經史思得博學鴻儒備顧問著
作之選故特頒諭旨令內外諸臣各舉所知薦人員已經
陸續到部欲行考試因天寒暑短恐其難於屬文弗獲展厥
蘊抱今天氣漸已融和應定期考試所有合行事宜爾部會
同翰林院詳議具奏特諭欽此

康熙十八年三月初一日 太和殿行禮領題體仁閣下

考試翰林院掌院學士喇沙里等傳

上諭爾等皆係天下有才學之人必考試乃得見爾之長賜爾
等宴歷來殿試及散館考試皆無賜宴之事此係曠典爾等
知之欽此

康熙十八年四月初六日奉

上諭吏部薦舉到文學人員已經親試其取中一等彭孫適倪
燦張烈汪霽喬萊王頊齡李因篤秦松齡周清原陳維崧徐
嘉炎陸棻馮勗錢中諧汪楫袁佑朱彝尊湯斌汪琬邱象隨
二等李來泰潘耒沈珩施閏章米漢震黃與堅李鎧徐欽沈
筠周慶曾尤侗范心英崔如岳張鴻烈方象瑛李澄中吳元
龍龐壇毛奇齡錢金甫吳任臣陳鴻績曹宜溥毛升芳曹禾

黎騫高詠龍燮邵吳遠嚴繩孫俱著纂修明史其現任候補
及已仕未仕各員作何分別授以職銜其餘見任者仍歸原
任候補者仍令候補未仕者俱著回籍內有年老者作何量
給職銜以示恩榮爾部一併詳議具奏告病者不必補試特
諭欽此

康熙十八年二月十九日吏部爲欽奉

上諭事該_臣等議得考試之期恭候

皇上欽定其各薦舉人員俱令於考試之先赴部投供_臣等公

閱內有真正年老有病不能動履者具題請

旨應考人員俱於

欽定之日黎明吏部官帶赴各省行禮處排班齊集內閣請

旨出題後內閣大臣或翰林院學士捧至太和殿前黃案設

放畢鴻臚寺官指引各考試人員行三跪九叩頭禮畢翰

林院官捧題下階令考試官員跪翰林院官給題吏部官

散卷畢帶赴體仁閣下考試試卷桌張等項由翰林院行

文該部備辦將考試官員照例彌封考試照殿試例每名

監試作完試卷吏部官收接交翰林院官一總
而進呈

後其已取之人作何錄用候

奉

月初日考試欽此

吏部題為欽奉

上諭事該部等議得薦舉文學人員已經考取奉

旨纂修明史人員內江甯現任行人司行人喬萊現任內閣
事中書王瑤齡現任太常寺博士陸萊現任內閣典書袁
佑現任內閣辦事中書曹禾現任內閣辦事中書此三員
係現任京官符其給與職銜以原官修史如遇陞授考選

京缺照常陞考補授仍令修史若遇陞外缺停其陞授令
其修史俟纂修告成之日一併酌量再議錢中諧新授湖
廣瀘谿縣知縣汪楫見任贛榆縣教諭李鏗見任蓋平縣
知縣此三員係見任外任官應開缺另補將伊等以原官
停其外陞修史既將伊等停其外陞俟纂修告成之日從
優議敘彭孫適候選主事張烈沈珩俱候選內閣中書米
漢雯周慶會俱候補主事方象瑛候選中行評博邵吳遠
候補京堂此七員見候京缺之員停其另給職銜仍照伊
等應補職銜食俸修史如遇應補之缺照常挨次補授仍
令修史補授後照見任官員例行行李來泰施閻章俱候補
叅議道黃與堅候選知縣尤侗由推官降二級調用高詠

候選知縣徐嘉炎龍變俱候選州同此七員係候外缺之
官不便補授令其前去應將伊等停其補授以原官併所
降之級修史俟告成之日從優議敘湯斌原任叅政道降
三級調用因患病休致應以所降之品修史俟告成之日
酌量議敘汪琬原任戶部主事同籍調理今應以主事職
銜修史吳元龍原任工部郎中同籍終養應以郎中職銜
修史俟纂修告成之日將伊等酌量議敘秦松齡原任翰
林院檢討革職之後保舉發往湖廣軍前候用今考試修
史應給與原職銜修史俟告成之日其錄用之處再議沈
筠浙江進士錢金甫江南進士此二人應給與內閣撰文
中書之銜修史倪燦江南舉人范必英直隸舉人崔如岳

直隸舉人龐埜直隸舉人此四人應給與內閣辦事中書
之銜修史陳鴻績係革職知縣邱象隨江南拔貢李澄中
山東拔貢毛升芳浙江拔貢黎騫江西貢生李因篤陝西
布衣周清原江南監生陳維松江南生員馮勗江南布衣
朱彝尊浙江布衣潘耒江南布衣徐鉉江南監生張鴻烈
江南廩監毛奇齡浙江廩監吳任臣浙江生員曹宜溥湖
廣官監生嚴繩孫江南布衣此十七人應給與翰林院待
詔之銜修史內有應鄉試會試者仍准其赴試此給與職
銜之人俟修史告成之日其錄用之處再議除在京見任
官員照常食俸無庸議外其餘人員俟修史起日交與戶
部給俸伊等既奉

旨修史俟命下之日將各人員職名開寫交送內閣翰林院其回籍之人內驗看直隸歲貢生王方穀江南廩監生申維翰江南增廣生員朱鍾仁浙江生員王嗣槐江南布衣鄧漢儀王吳陝西布衣孫枝蔚俱已年老均應給與司經局正字之銜以示恩榮仍知照該督撫至告病人員既奉

旨不必補試則丁憂及咨取未到人員俱應停其來京可也奉旨這薦舉取中人員俱授爲翰林官應給職銜著再議具奏杜越傅山及王方穀等文學素著念其年邁從優加銜以示恩榮俱授以內閣中書銜餘依議欽此吏部題爲欽奉

上諭事該_臣等再議得薦舉取中人員內邵吳遠浙江進士係學道內升以京堂錄用之員應額外授爲侍讀李來泰江西進士候補叅議道吳元龍江南進士原任工部郎中因終養回籍湯斌河南進士原任叅政道降三級調用因患病休致將此四員應額外授爲侍講伊等若遇陞缺以侍讀侍講等論俸陞授仍令纂修明史彭孫適浙江進士候選主事張烈順天進士候選內閣中書汪霽浙江進士見任行人司行人喬萊江南進士見任內閣辦事中書王瑱齡江南進士見任太常寺博士陸棻浙江進士見任內閣典籍錢中諧直隸進士原選瀘谿縣知縣袁佑直隸拔貢見任內閣辦事中書汪琬江南進士原任戶部主事告病

回籍沈珩浙江進士候選內閣中書米漢雲直隸進士候
補主事黃與堅江南進士候選知縣李鎧江南進士見在
蓋平縣知縣沈筠浙江進士周慶曾江南進士候補主事
方象瑛浙江進士候選中行評博錢金甫江南進士曹禾
江南進士見在內閣辦事中書應將此十八員授爲編修
倪燦江南舉人李因篤陝西布衣秦松齡江南進士原任
翰林院檢討革職保舉湖廣軍前候用周清原江南監生
陳維崧江南生員徐嘉炎浙江監生候選州同馮勗江南
布衣汪楫江南歲貢見任江南贛榆縣教諭朱彝尊浙江
布衣邱象隨江南拔貢潘耒江南布衣徐鉉江南監生尤
侗江南貢生原任推官降三級調用范必英直隸舉人崔

如岳直隸舉人張鴻烈江南廩監李澄中山東拔貢龐增
直隸舉人毛奇齡浙江廩監吳任臣浙江生員陳鴻績浙
江舉人原任知縣革職曹宜溥湖廣廩監毛升芳浙江拔
貢黎騫江西貢生高詠江南貢生候選知縣龍燮江南例
監候選州同嚴繩孫江南布衣應將此二十七員授爲檢
討俱令纂修明史查編檢原無定額其陞轉時俱論科分
次序令伊等若遇陞轉員缺與現任編檢將此授編檢年
次較論陞授仍令修史奉

旨邵吳遠授爲侍讀湯斌李來泰施閏章吳元龍授爲侍講彭
孫適張烈汪霽喬萊王頊齡陸棻錢中諧袁佑汪琬沈珩米
漢雲黃與堅李鎧沈筠周慶曾方象瑛錢金甫曹禾授爲編

修倪燦李因篤秦松齡周清原徐嘉炎馮勗汪楫朱彝尊邱
象隨潘耒徐鉉尤侗范必英崔如岳張鴻烈李澄中龐塏毛
奇齡陳鴻績曹宜溥毛升芳黎騫高詠龍燮陳維崧吳任臣
嚴繩孫授為檢討餘依議欽此

鶴徵錄卷第一

嘉興李集敬堂輯



從孫富孫

續輯

孫男遇孫

一等二十人

彭孫適字駿孫號羨門浙江海鹽人明御史宗孟孫順治己亥
進士候選主事由禮部尚書吳正治薦舉授編修官至吏部侍
郎乞歸著有松桂堂南泚香匳倡和等集

先生成進士越數年即為萬里之游所過名山大川仗劍賦
詩自甲辰至丙午囊中得詩三百餘篇名曰南泚集嶺南陳
先生序之余家所藏一冊為阮亭先生評本用朱筆甲出上

用雙圈次用單圈每卷眉頭必書選若干首楷書之精偏真
褚公枯樹賦又於末幅分行行書云羨門蘇州竹枝嶺南竹
枝其年陽羨西湖竹枝錦湖竹枝揚州清明曲阮亭元墓竹
枝又竹枝四首又續劉商竹枝又竹枝三首送陸冰修都門
竹枝附秦淮雜詩篁邨都門竹枝接阮翁附書紙尾者以其
所愛之詩冀先公之采入文緯也
又集見羣公評詩以蜀道集爲阮亭最盛之作以黔中詩爲
先公最盛之作汪方壺詩漁洋山人蜀道集秋錦山房癸丑
詩應須心手底相似不信江山能爾爲是也羨門詩以南淮
集爲最盛之作陳氏所謂壓濟南竟陵者也
富孫按先生驚才絕豔尤工倚聲漁洋推爲近今詞人第一

方渭仁謂吹氣如蘭每當十郎輒自愧滄父

王漁洋詩話云南昌重建滕王閣名流競爲賦詩推彭羨門
擅長中聯云依然極浦生秋水終古寒潮送夕陽余嘗喜諷
詠之謂劉文房郎君胄無以過也又題湖口句云湖光盡日
依樓堞山色終朝滿縣城亦是寫照又竹枝古稱劉夢得楊
廉夫近羨門尤工此體如廣州竹枝等詞最佳又云吾友彭
羨門以丁丑假歸己卯九月率子姓姪甥輩登秦駐山賦詩
云平生幾兩中郎屐更不登臨奈老何明年庚辰重九後遂
下世殆詩讖也

倪燦字闇公號雁園江南上元人康熙丁巳舉人由吏部尚書
郝惟訥吏部侍郎張士甄薦舉授檢討卒於官

先生爲白門諸名宿領袖先公寄以文緯凡例復書云發端
鄭重有古人風某不揣當廣爲徵引冀他日附名編校之列
今先公存臺都歸零落未識先生後賢有能守其手澤否容
至白門親訪之羨門小楷神似董香光先生亦工楷書而並
列前茅誰謂大科不重書法耶

遇孫按先生早歲卽名重海內己未官檢討貧不能僦居館
於張冢宰者十年在史館蒐羅極富所著明史藝文志敘窮
流溯源不下數千百言可與姜湛園刑法志序並稱傑作書
法詩格秀絕一時其尋天池過螺峯遇雨詩云行到螺峯遇
雨時行人如豆雨如絲芭屨拄杖供奔追古木叢梢相蔽虧
五步穿雲盾不見兩來讓路語方知山魃竊食茶丁飯錯當

茶丁問是誰錄以寄先徵士公烏絲小楷至今拂拭如新也
張烈字武承號莊持直隸大興人康熙庚戌進士授內閣中書
由禮部侍郎楊正中刑部侍郎任克溥薦舉授編修官至贊善
富孫按莊持少聰穎讀書數行俱不長卽潛心性學入史館
并纂修典訓及四書講義諸書事繼母至孝生平多著述皆
有關世道之文其預修明史分撰朱之馮金鉉張羅彥羅俊
金毓峒等傳淋漓痛快極得馬遷筆意惟史相國一傳頗覺
簡略余家藏有手書萬柳堂詩云禁城佳氣靄春曦鬱鬱東
偏颺綠絲平步乍迎蒼岫轉高堂正與白雲期地靈開闢艱
謀始樹影低昂合獻奇滿目經營天下計偶成邱壑達人思
汪霽字朝采號東川浙江錢塘人康熙丙辰進士授行人司行

人由詹事府詹事沈荃薦舉授編修官至戶部侍郎著有東川日記西泠倡和等集

富孫按東川爲文操筆立就才氣橫溢不可一世薦舉入翰林嘗典試秦中後擢少司農一塵不染有笑其迂者曰公雖不取適以飽姦胥之橐耳卽正色曰吾受殊恩愧無尺寸之效仰答高厚所以潔己者非爲立名地也歸田後杜門掃軌不與戶外事性伉爽與人交不立崖岸人以是樂親之詩極清麗不似西陵十子竹垞題汪祭酒霽詩卷有云西陵十子流派別南宋諸公體製殊絕似韋郎浣花集奇章麗則近來無

方渭仁松窗筆乘云汪東川丁內外艱歸廬墓西湖足不入城市三年服闋自以二親連喪應服六年乃投牒請假服淺淡衣履不赴優觴往汪悔齋亦連值二喪守服六年盡情守禮所見略同

喬萊字子靜號石林江南寶應人明御史可聘子康熙丁未進士考授內閣中書由禮部主事趙隨薦舉授編修官至翰林侍讀著有易俟寶應志使粵詩文集

先生應試前以所擬賦橐百篇質之鈍翁翁大服屬筆敘之又深於經學所著易俟不附會陳邵朱蔡嘗舉震川之言曰本義乃邵子之易非孔子之易也以爲名言後先生與鈍翁同在史館翁分得儒林一門遂以震川先生傳入焉先生亦深快總裁大臣仍抑之文苑同人咸以爲惜

富孫按先生爲侍讀時有御史奏濬海口瀉積水總河靳文襄公上言疏海口則引潮內侵大不便請於邵伯高郵間置閘洩水復築長隄抵海口以東所洩之水使水勢高於海口則趨海自迅下廷臣議適先生入直召問力陳不可行者四議遂寢未幾中蜚語罷歸家居穿池十餘畝盡種芙蓉時泛小舟往來榜曰縱權園亭曰吟詩送老處家蓄優童客至張筵演劇日無虛晷方良堂贈以詩云如此退閒殊不惡管弦吹徹小春天想見高致後復用卒於官

汪堯峯石林賦草序云先是四方搢紳及山林韋素之士咸集闕下諸以才藝相炫耀者甚衆而喬子石林尤能絕出其輩行當召試文賦之日侍衛諸近臣環列左右他人方

濡墨屬毫作囁嚅瑟縮狀石林則已展卷疾書千餘言立成起顧日晷猶未昃也予與同試者旁睨其所爲未嘗不歎息折服旣而石林名在第五予亦濫廁五十人之列見其平時所擬賦革命意則根體要摘辭則趨雅正故能麗而不淫典而有法

毛西河制科雜錄云喬石林以內閣中書被薦同集萬柳堂錄予賦歸次日其同舍江陰曹峨嵋亦在薦中石林出予賦請教峨嵋反覆曰此非君作也然則誰作曰此非江東毛生恐不能也一侍傳爲佳話後石林峨嵋皆予同籍爲史館官石林嘗曰予於同籍師事者二人一堯峯一西河也或戲曰愚山仇陵不足汝師耶曰愚意爾爾

王頊齡字顯士號瑁湖江南華亭人御史廣心子康熙丙辰進士授太常寺博士由吏部尚書郝惟訥吏部左侍郎張士甄薦舉授編修官至大學士諡文恭著有畫舫齋集

先生以鴻詞致位執政其子姓登卿貳者數十人同懷兄弟

三人皆顯位九齡王戊進士吏部侍郎鴻緒癸丑榜眼歷大司空科甲不可勝計綽楔

崢嶸里人名其第宅曰竹竿滙與海昌陳氏相埒蓋兩家各

精青鳥之術而其效如此

富孫按文恭初以文學進滌歷卿曹諳練典故在政府入載

以風度稱明良交契

御賜詩有云蹟與松喬合心緣敢沃畱因自號松喬老人

世宗憲皇帝登極晉階少保自以年老請致仕不許年八十四

字孫祖庚乾隆丙辰亦由進士薦舉鴻博同時施愚山孫念曾朱竹垞孫稻孫

俱膺薦辟

朱竹垞西征草序云華亭王學士主陝西試事榜既放攬咸

陽之勝浴乎溫泉躋太華巔出潼關渡河而北往還賦詩五

十首乃甄綜闡墨其言曰文章無絕境譬之登山然其入必

有徑雖懸崖絕壁亦必有磴道可尋縵繙可挽苟力不足以

相赴非困則躓矣華嶽不知幾千仞游者必極於三峯而後

已亦可謂善於論文矣

李因篤字天生更字孔德又字子德陝西富平籍山西洪洞人

布衣由內閣學士項景襄李天馥大理寺少卿張雲翼薦舉授

檢討著有漢詩評壽祺堂集

先生與亭林竹垞暨先公爲布衣兄弟交先生年小於顧朱而長先公二歲四人雖在客所及私寓坐次無或亂者先生最深經學著詩說亭林稱之曰毛鄭有嗣音矣著春秋傳鈍翁折服老友朱休承竹翁元孫也署富平令余以書屬訪先生諸著僅得壽祺堂詩集十冊今經義考中載有秦風一篇而漢詩評註余曾手抄今已刊行然其散佚者多矣先生精熟前明一代事蹟史館無能及者授職數月乞歸養母後橫雲山人史彙成欲先生正之時老病在牀褥令二人捧藁朗誦於枕側先生呼曰改卽加竄易塗抹半載而畢功由是史彙知名

亭林游濟南爲一達官置之獄先生於數千里外往拯之得

全亭林賦詩三十韻先生廣二十韻酬之傅青主評云往秋

岳先生評李長律謂風雅以來僅有此製非阿好也余故於

開闔頓挫指而言之以正告天下之爲排體者

富孫按先生少孤

父名映林諸生從馮恭定遊闡明理學私謚孝貞

外祖田時需撫

之成立受業其門吾鄉曹倦翁觀察三晉先生以故人子相

從因善代州馮觀察雲驥雅愛其風士人物居旬注夏屋間

者十年初膺薦舉以母老家貧力辭不至旣敦促入都 召

試入翰苑與朱竹垞潘稼堂嚴嵩漁稱四布衣雖馮勉曾亦

以布衣擢用不得與其數按官後上疏乞養情詞懇惻昔人

比李令伯之陳情殆又過之鈕玉樵以爲 國朝兩大文字

之一部議以係取纂修故明史不允其請奉

旨特准其終養以歸出都之日士大夫詩文贈送者數百人天下莫不高之今附錄此表云臣某奏為微臣母老多病獨子萬難遠離泣血陳情額 恩歸養臣竊惟幼學而壯行者人臣之盛節辭榮而乞養者人子之苦心故求賢雖有國之經而教孝實人倫之本伏蒙

皇上敕諭內外諸臣保舉學行兼優之人比有內閣學士臣某等匆採虛聲先後以臣因篤姓各聯塵薦牘獲奉

俞旨吏部遵行陝西督撫從臣應 詔赴京臣自念臣母年踰

七十屬歲多病又緣避寇墜馬左股撞傷晝夜呻吟久成廢疾困頓牀褥轉側須人臣止一弟因材從幼過繼於臣叔曾祖家分奉小宗之祀臣年四十有九元女並無母子焚榮相

依為命躬親扶持跬步難離隨經具呈哀辭次第移咨吏部吏部謂咨內三人其中稱親援病恐有推諉一概駁回竊思已病或可僞言親老豈容假借臣雖極愚不肖詎忍藉口所生指為推卸之端痛思臣母遲暮之年不幸身嬰殘疾臣若貪承 恩詔背母遠行必致倚門倚閭夙病增劇况衰齡七十久困扶牀 輦路三千難通嚙指一旦禱北辰而已遠迴西景以無期萬一有為子所不忍言者則毛義之捧檄不逮其親溫嶠之絕裾自忘其母風木之悲何及餅壘之恥奚償即臣永為名教罪人虧子職而負

聖朝非臣愚之所敢出也

皇上方敬事

兩宮聿隆孝治細如草木咸被矜容自能宏錫類之仁推於士庶寧忍孑然母子飲泣向隅奪其烏烏私情置之仕路蓋閣臣去臣最遠故以虛譽採臣而不知臣之有老親也臣雲翼與臣皆秦人雖所居里闈非遠知臣有老母而不知其既病且衰委頓支離至於此極也卽部臣推諉之語概指三人而言非謂臣當必舍其親而不之顧也且臣謙陋而同時薦臣者皆朝廷大臣其於君親出處之義聞之熟矣如臣獵名違母則其始進已乖不惟瀆斁天倫無顏以對

皇上而循咳負疚躁進貽譏則於薦臣亦爲有覩面目去歲臺司郡邑絡繹遣臣長行急若風火臣趨朝之限雖迫於歲星而問寢之私倍懸於愛日然呼天莫應號泣就途志緒荒

迷如墮雲霧低頭轉瞬輒見臣母在前寢食俱忘肝腸迸裂其不可瀆官常而干祿位也明矣况

皇上至聖至仁以堯舜之道治天下敦倫厚俗遠邁前朝而臣甘違離老親致傷風化有臣如此安所用之乃臣自抵都以來屢次具呈具疏九重嚴邃情壅

上聞隨於三月初一日扶病考試蒙

皇上拔之前列奉

旨授臣翰林院檢討與臣同官纂修明史聞命悚惶忝竊非分念臣衡茅下士受

皇上特達之知

天恩深重何忍言歸但臣於去秋入京奄更十月數接家信云

臣母自臣遠離膝下哀痛彌侵晝夜思臣流涕無已雙目昏
眊垂至失明臣仰圖報

君俯迫諭母欲留不可欲去不能瞻望 闕廷進退維谷乃於
五月二十一日具呈吏部未蒙代題臣孺切下情惟有哀祈
君父查見行事例凡在京官員門無以次人丁聽其終養臣身
爲獨子與例正符伏願

皇上特霽 恩慈許臣遄歸扶養其母叨沐

聖澤以終天年臣母殘病餘生統由再造不惟臣母子啣環鏤
骨誓竭畢生而報 國方長策名有日益圖力酬 知遇務
展涓埃矣臣無任激切待 命之至緣係陳情事理字都逾
格貼黃難盡統祈 鑒宥施行

王阮亭池北偶譚云富平李天生年三十棄諸生博學強記
十三經註疏尤極貫穿長律得少陵家法嘗以四十韻詩贈
曹秋岳曹歎曰數百年無此作矣李有句云林谷關音本乾
坤老象才子謂理語經語最不易不坡公寫杜詩至致遠恐
終泥停筆謂學人云此句不足爲法王敬美云曹子建後作
者多能入史語不能入經語謝康樂出而易辭莊語無不爲
用然則用經固以康樂爲宗也
朱竹垞經義考云李孔德官檢討未踰月卽上疏請終養母
沒仍堅臥不出終於家無子其著作甚多要不可問矣惜哉
阮吾山云李天生爲三相國所薦至京師名重一時容齋以
同姓年長兄事之天生居之不疑人尊爲關西夫子

秦松齡字畱仙號對巖江南無錫人順治己未進士選庶吉士授國史院檢討罷歸由內閣學士項景襄李天馥湖廣總督蔡毓榮薦舉授檢討官至諭德著有蒼峴山人集

富孫按先生年十九官庶常

世祖章皇帝召試詠鶴詩有高鳴常向月善舞不迎人之句指示閣臣曰此人必有品置第一以通糧案里誤保舉發往湖廣軍前候用旋膺薦擢侍從講幄里居二十餘年研精經學尤邃於詩家有園在惠山之麓擅林泉之勝與故人遺老倡和其中於漁洋為同年友善嘗緘詩一編題曰寄阮集王阮亭居易錄云同年秦宮諭畱仙寄所輯著毛詩日箋屬予序書云詩之必用古敘先儒言之詳矣然首句確有承授

不可移易後序未免難以講師之說或非詩之本意初讀詩傳止以首句不為無目註疏之外則歐陽氏蘇氏呂氏嚴氏李氏黃氏多所發明朱子斥棄舊說遂無美刺之意蓋以明儒則郝楚望何元子二家最善松齡講書之餘間取黃氏日抄之例於諸家之說稍為折衷而高有節見亦簡者焉池北偶談云無錫秦畱仙從軍荆州兩淮仙枕鎮中夜聞琴聲其清越跡之乃一老書生也破槍數椽風貌樸野秦遂賦憶秦蛾詞贈之

周清原字浣初一字雅楫號且朴江南武進人國子監生由左春坊左中允董訥薦舉授檢討官至工部侍郎著有鴈宕山遊記

富孫按海寧范文園駮善相人謂武進周清原吳江徐欽皆
當不由科甲入翰林至己未同授檢討其言果驗先生嘗官
副都御史疏請革鋪舍飭刑具又請直省俱立育嬰堂並得
旨允行

聖祖仁皇帝嘗稱爲孝子

御書孝經賜之

先生工書與詩未遇時奔走四方賣以自給嘗宿于忠肅公
祠禱夢夜半見忠肅誦王昌齡寒雨連江夜入吳一詩末句
壺字易衡字先生曰非衡字忠肅答曰若壺字便不好既覺
不知所謂後遊浙東將偕友入楚某幕至江口聞某以憂去
遂送友而別快悵無所之陳司空鼓永見其所書扇箑大爲

歎賞同入都 召試賦題爲璿璣玉衡心竊喜之果以是入
翰林累擢少司空蒙 賜一片冰心在玉壺印章是年卽卒
於官其夢一一奇驗如此

毛西河周春坊督學兩浙序云予同年生周君主文山左升
書最第一甫竣事卽有視學兩浙之 命曩者制科之興實
係曠典君以賢傳之年應 召試拔居高等及天南蕩平

大廷獻頌人競進詞賦君獨粹擷六經摭摭其成文纂爲百
韻詩而集儷句於其前以爲序東堂學士動容咨嗟以爲僅
見至其高文典冊橐筆 綸閣與夫金匱石室之摭討所謂

擅三長而卻五難者又其餘也君旣出其所學分廳草制歸
然登著作之林且復爲斯世興教以大所學意在斯乎

國子監志云太學生周清原有詩名大學士馮溥見其雍試諸作目為奇才詩以贈之曰尊酒高齋話夕曛斗間佳氣識龍文十年閉戶遲遊洛千里過都早不羣春草已看傳白傅飛一見見詔韓君九重側席今方切振筆蓬山為爾欣後果以鴻博授翰林雍試諸作有太學白丁香詩句三月明有水皆為影風靜無塵別遞香一時得誦都下上達

袁

召見

陟

陟

貞

貞

集

其大宗伯定山最

鬢先霜之句未幾公歿先生試宏詞登第後追和秋水軒倡和詞韻痛哭設位以祭知己之感深矣

先生又繪填詞圖徧徵海內詞人題其卷自梁玉峯王阮亭以及羨門西堂豹人竹垞孫友南淳融谷數十人誠天下之巨麗也又寄先公一札云圖送上乞交令弟分虎及虎林吳慶老即坐索一詞寫其上晤嚴示老為弟添一小鼓一拍板點綴其間致足佳也先生之於詞殆寢食以之矣

案是圖今藏先生從

孫中丞淮家

遇孫按先生駢體冠絕一時能於徐庾外自闢町畦詩詞皆極豪邁吳梅邨以先生與吳漢槎彭古晉日為江左三鳳皇居官四年以魚鳥湖山為念相傳是善權山中誦經猿再世

疾革時猶吟斷句云山鳥山花是故人

池北偶譚云陳其年少有文名於江左數奇落魄老於場屋
小試都不利四十餘尚爲諸生一日過京口有相士熟視良
久曰君五十後當入翰林然不由科甲人皆笑以爲妄宣城
梅杓司贈詩云朝來日者橋邊過見說功名似馬周後果以
宏博薦入翰林爲檢討

玉丹麓今世說云其年美鬻氣沖而盛神晬以和才情志
意如江湖之浩浩莫可砥竭嘗與汪鈍翁論六朝之文詞雄
旨洽鈞入深微多出諸賢尋賞之外時冒樸菴在坐傾聽不
置陳遽掀得謂汪曰與子納交十年今夕始稱知己又云張
祖望目其年其行敦篤而立誠其材灑瀚而英精其氣盤礴

而靈淑

徐嘉炎初名焉字勝力號華隱浙江秀水人明兵部尚書必達
曾孫國子監生由戶部侍郎于可託薦舉授檢討官至內閣學
士著有抱經齋集

先生彊記絕人九經諸史畧能背誦同舉閣百詩最護短善
爭見先生而折服初梅里詩會甚盛先生與俞丈右吉居禾
中每會必至夏日飲庭中先生曰攜尊來嗣移席窗外竹翁
曰齊階浴罷里人稱之

按繆綏武雪堂
瑣錄亦載其事

遇孫按先生讀書過目終老不忘最熟左氏春秋祖世淳知
隨州闔門殉難有春秋慧編父肇森職方主事有三傳合編
先生世其家學凡奇書逸典鴻覽之士未睹記者輒就諮焉

致仕後

聖祖御書直西清額樹影不隨明月去谿聲長送落花來聯句

又唐人張旭隱隱飛橋隔野煙絕句詩一首 賜之

松窗筆乘云徐華隱淹貫經籍常侍直

上命背誦咸有一德全篇朗誦不失一字至厥德不常數語則

歛容奏曰臣不敢誦

上為嗟異

陸萊原名世枋字次友號義山又號雅坪浙江平湖人康熙丁未進士除內閣典籍由兵部侍郎孫光祀薦舉授編修官至內閣學士乞歸著有雅坪文集

先生性愛詞在京師與竹翁並和宋末樂府補題諸調時先

公... 樂府後補題五調先生見之曰此詞也 仙筆也

之... 為... 敘云去歲竹垞表兄自金陵來... 樂...

卷... 南... 名家之作借余屬和余時適館家去... 友...

往... 謂... 不... 亦... 人... 今夏移榻寓... 凡... 相... 暑... 讀...

李... 十九... 後... 補... 題... 五... 調... 余... 又... 同... 寓... 而... 和... 之...

音... 言... 而... 風... 習... 也... 且... 仿... 其... 箋... 式... 以... 庚... 不... 出... 東... 家... 之... 聲... 愈...

形... 西... 家... 之... 美... 所... 不... 敢... 辭... 然... 長... 安... 短... 葉... 蓬... 真... 宣... 子... 核... 頭... 十... 日... 費...

終... 亦... 悔... 其... 多... 事... 其... 時... 工... 詞... 者... 皆... 和... 之... 而... 謂... 其... 真...

遇... 孫... 按... 先... 生... 係... 直... 南... 書... 房... 出... 五... 臺... 金... 蓮... 花... 限... 韻... 賦... 詩... 立... 奏...

稱

旨歲甲戌 召翰詹八十九人試豐澤園賦理學真偽論遂冠

其曹

毛西河云雅坪年十四值大兵徇江南父未菴爲旗兵所執將加刃雅坪從麥隴中躍出大呼曰寧殺我勿傷吾父也弁將異之乃舍未菴而俘以去獻之固山誠順伯馬光遠試以文大喜遂撫爲子時永平舉人李茂春設教遷安之龍起寺馬命往受業卽入遷安籍應試縣府皆第一馬慮其名過著不令赴院試畱於旗四年適兄世楷以拔貢謁選未菴亦領丙戌鄉薦赴公車其訪得之乃詣馬第乞放歸後雅坪爲中書舍人誠順伯適於是年得疾卒時借諸子侍湯藥服疏麻以報育恩焉

袁簡齋云雅坪入詞林

聖祖愛其才一日七遷從編修贊善授閣學才一年引疾歸又十年卒自題華表云一日七遷千古少周年致政寸心安有病不治吟曰無藥能延炎帝壽有人曾哭老聃來

馮勗字方寅號勉曾又號對東江南長洲人布衣由庶吉士楊作楨薦舉授檢討罷歸

富孫按先生性至孝父嘗館閩中與祖及母家居荒歲乏食先生爲邨塾師得升斗奉養與妻采苜以食後父客死阻兵亂弗獲歸櫬徒步入京爲諸侯客膺薦得第卽請假歸入閩尋父櫬未得伏地慟哭有老人哀之指視其處遂扶以歸後罷官家居癸未歲

聖祖巡幸江南與秦對巖潘稼堂徐虹亭俱復原官

錢中諧字宮聲號庸亭順天昌平籍江南吳縣人順治戊戌進士由庶吉士彭曾洪薦舉授編修

遇孫按庸亭字問海實詩文雄雅為諸生時請減蘓松浮賦條議三天亦刊開卷劉河等家國計民生情稟散失無存者

汪楫字舟次號悔齋江南儀真籍徽州休寧人歲貢生讀榆縣教諭出江寧巡撫慕入詞薦平賊檢討官至福建布政使著有悔齋詩聞正續集觀海集

先生與先公兄弟交最厚曾贈耕客先生詩云金自遺詩從入險冬夏為生語又為竹笠書聯云會須上番何處老翁來賦詩款云竹笠書聯句

淋漓如舞劍器

遇孫按先生於壬戌歲春賜一品服奉使琉球國宰臣以下俱有贈言歸作中山沿革志琉球使錄進呈

御覽竹垞撰墓表特詳書之欲使後之尚論者以制科為可行匪獨文學之選也

王漁洋悔齋集敘云楫以詩來謁酒闌月墮抵掌漢魏六代以來作者升降之故當其神解意盡塵尾奮擲頭沒盃棹中一座屏息楫之詩以古為宗以潔為體以清冷峭蒨為致大抵與吳嘉紀同當其自得於心即亦不必盡同也

今世說云汪舟次兄弟好古力學名沸大江南北戶外屢常滿父汝蕃意歎之誠之曰吾不願爾曹為名士如剪綵縷棘

實不存也爾曹與人交以其文無寧以其行耶夫之與茅容
庾袞之敬褚德豈爲名高哉爾曹慎之又云悔齋性伉直意
氣偉然通達治亂富於學問翰墨妙天下名公卿咸折節願
交

袁佑字杜少號霽軒直隸東明人康熙壬子拔貢生授內閣中
書舍人由詹事府詹事沈荃監察御史鞠珣薦舉授編修官至
中允

富孫按霽軒初舉明經官中書舍人侍直南苑著紀事詩
六十首才調華美大類唐人絕句其詩極清麗如月夜游秋
水橋岸云蕩花短短葦花齊漁艇秋煙草閣西出寺谿雲隨
意遠過橋山月趁人低與誰相對維孤鶴何處尋僧信杖藜

砧杵不聞千戶靜蕭蕭城闕夜烏啼

毛西河袁春坊紀程詩序云當在史館時與袁子杜少分廳
起草每窗紙日落必撤筆相對吟一詩然後騎馬出東華門
計長安聚首及今相別南北各異地約十五六年丙子杜少
奉命主文吾浙榜發後見杜少官亭把袖如不相識其毛
髮容齒皆大減於昔知其以終養復入官勞苦久矣然猶四
顧輾落意氣慷慨如平時乘輅南來津亭記程得詩若干首
其風骨峻上覺與當日相對時不甚相遠就其所經無不以
承詔品甘偶佚繩簡爲兢兢也

朱彝尊字錫鬯號竹垞晚號小長蘆釣魚師又號金風亭長浙
江秀水人明太傅國祚曾孫布衣由總督倉場侍郎嚴沆吏科

給事中李宗孔薦舉授檢討罷歸著有經義考日下舊聞鹹筴
志明詩綜詞綜曝書亭集

先生幼孤其從祖招之家塾所居曰鶴洲草堂先生賦詩云
鶴洲草堂何所有冷飯渾湯與酸酒從祖欲管之塾師曰此
子必以詩名世

吾里文酒之會甲於海內會於吾家如先生及令弟千里若
俞右吉鄭隨始王介人周管谷林於徐皆山褚二覲沈山子
繆天自鍾廣漢諸先生每人三十錢一蔬一肉而燭必盈把
每帶筆硯吟詠達旦曾王母陸孺人覘之曰此大羅天上羣
仙會也亦紡績至曙

老友朱笠亭謂集曰某聞之老輩海內有三圖其二落梅里
子知之乎集曰願聞其說笠亭曰一爲家竹翁煙雨歸畊圖
一爲秋錦先生灌園圖一爲陳迦陵先生填詞圖蓋三先生
皆命世才仗劍出門窮老盡氣所交皆天下奇士胷中鬱律
不可一世一題一詠其詩詞盡古今之至寶也今填詞圖旣
不可得見歸耕圖亦歸他人之手矣

富孫按先生飲食經史綜貫百家海寧查夏重謂博物如張
茂先多識如虞祕監淹通經術如陸德明顏師古熟精史乘
如劉知幾劉原父兄弟貫穿今古如馬鄱陽王浚儀濟以班
馬之才運以歐曾之法詩綜少陵昌黎詞主白石玉田故其
發爲著作閱深緜富無不足以傳世又有瀛洲道古錄五代
史註禾錄諸書俱屬稟未成願亭林先生不肖多讓人亦以

博雅稱之

先生騰笑集序云竹垞主人少無宦情年五十召試體仁閣下擢居一等除翰林檢討故事翰林非進士及第與改庶吉士者不居是職主人以布衣通籍洵異數矣越二年增置日講記註官主人亦與焉是秋出典江南省試拜命之日屏客不見將渡江誓於神入闈矢言益厲公事畢地主問遺輒以分故舊攜其妻入京師無家具僅載書兩大簾而已盜劫其居發所藏止餐錢二千白金不及一鎰也明年入南書房賜宅景山之北黃瓦門東南居一年名挂彈事吏議當落職

天子宥之左謫其官復僦宅宣武門外

汪鈍翁說鈴云朱十詩才雋逸文尤跌宕可觀然性好飲酒嘗與高念祖鉅入都每日暮泊舟輒失朱所在及高往求之則朱已闌入酒肆中醉臥鑪下矣

松窗筆乘云朱錫鬯夙負才名

上亦久知之

御試時遣侍衛索其草進閱擢官翰林尋入直南書房既罷官留京師取都門古蹟輯爲日下舊聞論者謂帝京景物略所不及也

湯斌字孔伯號荆峴一號潛菴河南睢州人順治己丑進士授宏文院庶吉士歷陞江西嶺北道叅政告病回籍由戶部侍郎魏象樞左都御史金鉉薦舉授侍講官至工部尚書補謚文正

著有洛學編潛菴集

先生喜陸學嘗云陸子具揮霍之雄才有謹嚴之操守繼孟韓不愧耳予細讀陸子粹言見其精熟六經且云孔子諸經具在吾輩不必著書恐流患後世耳先生又言良知之說直接孟子欲攻王學先攻孟子其論學在陸王間同時陸清獻專攻文成先生與之書其鍼砭之者至矣予嘗謂必欲論道學湯居陸上

先生撫吳中廉正自持以上方山五通廟惑民士女燒香祭賽大爲風俗累上疏請廢其廟得

旨允行於是海內五通廟悉行撤毀神像投之水火一時快之有狄梁公之風臨去萬姓哀號幾不得行吳人追思不能忘爲建生祠蓋自周文襄王端毅兩公巡撫而外未有如先生者也

富孫按先生學問事功爲國朝第一流人物先由翰林出爲潼關道副使駕馭有法所屬遂大治自嶺北乞歸往受業孫鍾元門下所得益遠所行益力屹然推爲巨儒後巡撫江南窮郵僻壤無不感誦其政至呼爲清湯擢禮部尚書正直不嬰卒至爲人所忌平生潛心講貫洵可謂禰洛閩而宗稷益矣

母夫人趙崇禎末

爲賊不屈死難

毛西河湯潛菴集序云予遊人睢州值先生以關西叅致請十旬假就之論知本之學既舉制科同入史館遂得辨前代得失并古今來禮教名法知先生裕經術外擴而中堅體用

咸備會

天子重其學進 青宮保傅兼領叅知入東閣作宰相判事
遂以春官侍郎開府江南使歛歷中外爲本朝儒術之冠
予乞疾南還適其境見關門坦坦然農安畝而估習市武吏
與暴客刷跡而徙予顧之歎曰儒術之效如此耶未幾還院
補冬官尚書驟遭棟折今將二十年而 京朝先後思之者
如昨日江南之民一若服稅服雖相隔多歲月而偶然斂社
必哭泣因有慕其人稽其事願讀其所遺書夫世之所謂三
立者德與功與言也先生踐履篤實務爲善去惡以求慎獨
而出而應世明有實效見諸成事此其功德爲何如而發言
中道不偏不矯司羣儒所取正周旋政事堂多所建白至於

外臺人告請賑請蠲尤極剴切然則先生之言其有繫於世
如此 居易錄云戊午春詔薦宏博戶部侍郎環谿魏公過予邸
舍問今人才誰可舉者予答曰公薦人與諸公稍不同諸公
薦人文詞足矣公薦人卽非文行兼者不可某交游頗衆挂
一則漏萬無已寧舉一素不相識者以副下問之諒可乎聞
睢州湯潛菴斌者昔由翰林檢討外遷潼關道副使以一羸
載襍被在官數年蔬水自甘去官之日襍被之外無所增益
自嶺北罷歸從蘇門孫先生講學躬行實踐教授生徒布衣
徒步梁宋間學者師之斯其人歟言未竟魏改容曰得之矣
吾亦知其人聖賢之徒也明日遂疏薦之馴至大用又云潛

菴以天啟丁卯生康熙丁卯其門人王給事公垂紳以艱歸
 睢州先生臨別慘然執其手曰吾祖吾父卒年皆六十一今
 吾年適如之子歸矣不知能復相見否果以是歲卒於位
 汪琬字茗文號鈍翁初號玉邊山樵江南長洲人順治乙未進
 士授戶部主事降兵馬司指揮陞主事病假回籍由左都御史
 宋德宜翰林學士陳廷敬薦舉授編修乞歸著有鈍翁前後類
 彙堯峯文鈔

古文八家乃茅氏繆悠之論予則謂止有四家何云八耶韓
 之文直紹孟子同時柳州雄深雅健與韓的是對手若歐陽
 子則天姿絕世者也大蘇則繼韓唐宋止此四家自餘有學
 無筆無足議也先生則一宗震川而上擬永叔其文文其骨

清其思潔其詞溫斷推第一流與先公稱石交五服考異有
 關禮教先公嘗駁正數條惜翁已故東都事略跋糾宋史之
 闕失較柯氏新編直天淵耳
 又與先公一札云內中有圖壘器系之以銘銘中二語未知
 何出滿人欲翻之先生必知其出處乞為注來緣頗有關係
 不敢安於不知其虛懷如此
 富孫按先生熟三禮文章出入歐陽子通籍二十餘年浮沈
 郎署請告者十七年後薦舉入史館僅六十日遽以疾乞歸
 閉門空山不妄交一人可見其達俗孤介之跡矣

陸清獻云茗文之推重太僕至矣作歸詩考異又作震川年
 譜蓋其意中自以為接震川一派殆亦近之

居易錄云同年汪琬以狂狷多忤交友罕善終者雖予以至誠交之亦不免其齟齬予終不較也海內知交甚多至議論有根柢終推此君

松窗筆乘云汪鈍翁性峭直頗自矜許吳人多訾之至詆爲矯飾過矣予訪之虎邱翁鮭菜留飲極歡自是時相過從已巳予歸自廣陵便舟過訪翁詣予言別執予手曰吾老矣再至吳門幸一看我言畢慘然登車去及予再赴則已爲故人矣遙望故廬不禁綠竹青山之感

今世說云汪鈍翁讀書勵志行內自重有守又善彊記過目終身不忘舉進士官戶部浮沈郎署位不副志發爲著作原本經術晚築室堯峯之麓幅巾杖履與山樵野叟行歌互答當道大吏求一見不可得也嘗語人云士大夫行已不可無本末讀書不可無師承立論不可無依據又云鈍翁性狷急不能容物意所不可雖百責育不能掩其口其所稱述於當世人物之衆不能數人

邱象隨字季貞號西軒江南淮安衛籍湖廣宣城人順治甲午拔貢生由監察御史羅秉倫薦舉授檢討官至洗馬著有西山紀年集

遇孫按西軒爲參政俊孫次子年十四卽工詩才名早盛與兄曙戒像有淮南二邱之目性至孝未仕時父歿廬墓三年母夫人以食魚致疾遂終身不食魚通籍後積俸置祭田族人稱之

王阮亭香祖筆記云故友邱季貞與張養重游浙東行處州山中各有卽事詩一云西風黃葉無人徑破廟山神對古松一云百年無與人間事老死深山古木中今人攘攘入市者不知世有此境

鶴徵錄卷第一

鶴徵錄卷第二

嘉興李集敬堂輯

從孫富孫

續輯

孫男遇孫

二等三十人

李來泰字仲章號石臺江西臨川人順治壬辰進士兵部觀政授工部主事出督江南學政補江南蘇常道叅議裁缺候補由監察御史鞠珣薦舉授侍講著有蓮籠集

王阮亭亟稱先生璿璣賦爲冠榜之作予訪之數十年得其全集始見之雖波瀾綺麗而較之迦陵則遠遜矣阮翁竹翁並不善四六故其言失當

遇孫按順治乙未先生督學江南所拔皆孤寒知名士尋任
監司歷官清慎能持大體不事威嚴而所部懾服

王阮亭云己未鴻博之徵璿璣玉衡賦以前蘇松糧諸道叅
議李仲章來泰冠塲雖彭羨門少宰歷卷亦當遜之李改翰
林院侍講一典湖廣鄉試未幾卒

沈歸愚云先生文窮極彫鏤詩獨以平正通達行之能者固
不可測

潘耒字次耕號稼堂江南吳江人布衣由左春坊諭德盧琦刑
部主事謝重輝薦舉授檢討以母憂歸著有類音遂初堂集

富孫按先生幼有聖童之目試以歷日能首尾不遺一字兄
樾章有史才頗承受其學復從顧亭林徐昭法戴耘埜遊故

其學貫穿淹洽無所不通旁及歷術算數悉有神會昭法沒
無尺寸之產舉孀婦孤孫以託先生恤之終其身亭林日知
錄詩文集皆所刊刻又以未及雕筆域志爲憾

松窗筆乘云潘次耕游肇慶購端谿石數十枚因其質理品
式自爲銘構一室藏之客至出石相品賞時謂之石癖

沈珩字昭子號耿巖又號稼邨浙江海寧人康熙甲辰進士由
大學士李蔚杜立德馮溥薦舉授編修乞歸著有耿巖集

富孫按先生甲辰會試第一人未釋褐而歸十五年不仕入
翰林後一副主順天鄉試無何乞假歸淡於榮利素好古手
不停披輯一書曰十三經名文鈔凡所屬綴皆本經訓無游
譚不根語嘗於王申小春訪先徵士公於梅里款畱看園不

果而別嗣歲先徵士公寄之以詩次韻答云谿堂斜有徑苔
雨綠生痕已見藏書塢空尋種藥園山中非價貴谷口舊名
尊子亦沈冥者披帷願細論剡曲尋幽賞壚邊悼故知隙駒
情易感邱壑道堪師淡骨猶追古疎眉未入時霜楓懷友句
梅放始能持

施閏章字尚白一字岷雲號愚山晚號矩齋江南宣城人順治
己丑進士刑部觀政授本部主事陞江西湖西道叅議裁缺候
補由大學士李蔚杜立德馮溥薦舉授侍講官至侍讀著有愚
山集

先生以進士起家洊歷監司人品端方不苟取與所至頗著
循聲書法二王論詩亦峻絕嘗與先公札云今人和韻詩乃

作韻非作詩也先公稱之

富孫按先生爲刑部員外郎讞決明敏視學山左有冰鑿之
譽轉湖西叅議湖西故荒瘠多盜先生撫綏有方袁臨間稱
之爲施佛子 召試卷閣擬一等後以旗字押韻偶誤書旂
字改置二等先生五言詩清絕王漁洋極爲推服當時與宋
荔裳齊名故有南施北宋之目

先生示子札云試卷傳出都下紛紛訛言皆推我爲第一名
久之半月後方閱卷初取在上上卷列三五名中後因詩結
句嫌觸忌諱不敢錄得高陽相國爭之畱在上上卷第十五
又停閣半月則移在上卷第四後改上卷爲二等高才博士
遠出吾上而見放者甚衆吾旣犯嫌忌而復收之亞等過望

矣

居易錄云門人洪昉思問詩法於愚山愚山曰子師言詩如華嚴樓閣彈指卽現又如五城十二樓縹緲俱在天際余則譬作室者榼爨木石一一俱就平地築起洪曰此禪宗頓漸義也

池北偶譚云宣城施愚山少孤事叔譽至孝一日值叔誕辰大集親戚上壽而叔以小故忤意堅臥不起愚山跪榻前移晷辛亥客都門每憶叔輒涕泗事叔如此故人所希有也譽有遺詩一卷愚山屬予爲論定敘而行之又云昔人論古詩十九首以爲驚心動魄一字千金施愚山五言送梅子翔云朔風一夜至庭樹葉皆飛孤宦百憂集故人千里歸岱雲寒

不散江鴈去還稀遲暮兼離別愁君雪滿衣此雖近體豈愧十九首耶己未在京師求予定其全集又予讀施侍讀五言詩愛其溫柔敦厚一唱三歎有風人之旨其章法之妙如天衣無縫如園客獨繭約略舉之若別緒不可理酒盡暮江頭人日日初晴朔風一夜至明月無遠近倚枕不能寐數篇是也予嘗以暇日撰感舊山木二集所錄愚山詩爲多意猶未盡因別取五言近體爲摘句圖傳好事者康熙庚申予與愚山同過宏衍菴看海棠各有四絕句今庚子二月重來海棠三株皆已化去而愚山之墓木拱矣不勝今昔存歿之感因復成一絕云十年不見謝宣城目極澄江遠恨生白首重吟枯樹賦江潭憔悴庾蘭成

松窗筆乘云施愚山以文章理學自任觀察湖西集諸生講學環聽者常數千人及為侍講分撰史傳務求至當與子尺牘往復不下數十前輩虛懷如此癸亥卒於京邸予以使命不得往哭至連雲棧夢愚山向予索詩音容宛然作詩二章紀之

今世說云愚山性本忠愛義篤友朋摯履孤遠學有本原力以名教為己任嘗講學湖西羣父老子弟環而聽者輒數千人聞孝弟忠信禮讓之言往往至於泣下當世推論文章理學莫不以宛陵為歸嘗謂所親曰我輩既知學道自無大戾名教但終日不見已過便絕聖賢之路終日喜言人過便傷天地之和

全謝山施先生年譜序云先生分守江西政聲籍甚公議以為不日當晉開府忽遭東閣蓋安邱相公當先生持節山左時有所干請不遂至是修怨焉此不畏強禦之大節也先生之學本於王父中明先生實為新建盱江之傳又嘗從沈公耕巖得聞漳浦之學故其和齊斟酌不名一家乃學術源流之所在也先生之造詣與蔚州魏敏果公睢州湯文正公平湖陸清獻公同道同德不相上下魏湯二尚書雖未竟其用然尚揚歷槐棘多所發揮清獻則以遭摧挫而愈顯先生最為閤淡又以工於詩古文詞世人反用是掩其學問之大原矣

米漢雯字紫來號秀崑直隸宛平人明太僕萬鍾孫順治辛丑

進士授江西贛州府推官改補建昌知縣丁憂起復補長葛知縣行取考選主事由大學士李蔚杜立德馮溥薦舉授編修官至侍講著有始存集

富孫按先生為王文貞

崇禎

之婿能詩善畫頗得家法當時呼

為小米尤工金石篆刻性放浪不羈入翰林會典雲南鄉試故事試差復命不得過一年先生六月朔赴雲南事竣浪蹟江楚至十二月猶未還婦兄王瞿菴遣人敦迫乃就道及至都自言我為相公押解來京眾咸笑之遂以試事望誤久之召入供奉內廷遷侍講賜第西華門尋病卒說鈴云米進士漢雲詩畫皆工秀書法學米南宮徑寸外者尤勁媚或評之曰紫來天才造詣當在友石先生之上

香祖筆記云友石太僕有勺園在京城西海淀與武清侯清華園相望亦曰風煙里今暢春苑即兩園故址也紫來所交游皆海內知名士其詩惜為書畫所掩亦散佚無傳矣

王應奎柳南隨筆云丁卯米漢雲主試江南八月初八日甫當唱名忽有飛蝗蔽天回翔試院禾苗無損人咸異之迨揭曉日金陵諸生見榜多純袴羣聚而譁幾成大獄好事者競作檄文歌曲喧傳遠近事聞漢雲削籍識者謂蝗能食米蓋天所以儆之

黃與堅字庭表號忍菴江南太倉人順治己亥進士由江寧巡撫慕天顏薦舉授編修官至贊善著有忍菴文集

富孫按忍菴生平究心經術輯解甚多易學闡其一也明史

告成復命分修一統志詞賦其餘事耳

錢曾忍菴詩敘云往予從行卷中得庭表詩故紙蒙茸昱昱然如有光氣展卷得長安金陵雜感諸篇頓挫鈎鎖纏綿惻愴風情骨格在韓致堯元裕之之間盱衡抵掌謂後來不得不推此賢時人未之知也久之庭表學殖益富才力益老散華落蒸驚爆都市梅邨謂予言不虛矣

今世說云黃庭表童年穎悟詩一日文二三日即記憶三歲能識字五歲能誦詩八歲酷好唐人詩錄小本攜出入輒為蒙師所禁抑十四歲慨然有志於古學欲徧讀周秦以下書甫三年讀周末諸子及六朝以上者幾盡又云庭表性落落維與人交當生死患難不有轉目相背負

李鎧字公凱號惺菴江南山陽人順治辛丑進士禮部觀政補奉天蓋平知縣由戶部主事邵延齡內閣中書王穀振薦舉授編修官至閣學兼禮部侍郎告歸著有史斷讀史雜述等書

遇孫按先生少孤力學釋褐後益博綜羣籍歷知綏陽蓋平二縣皆著循績於書無不窺至老愈勤政事文學一時稱兼

擅云先生為洗馬邱季貞之甥

松窗筆乘云山陽李公凱舉進士兩宰邊邑以博學鴻詞舉改編修恬靜不事奔競由宮坊游歷卿寺至銀臺復入為內閣學士循資漸進遂登三事當時嗜進者未免中道顛躓觀公凱乃知功名信有數也

阮吾山云李公凱宰鐵嶺丁憂歸己未以鴻博徵授翰林官

關學經筵講書理明詞暢當時謂不減范祖禹一生清節
不名一錢門無雜賓嘗語門人云孟子爲卿於齊終不受祿
君祿且然况交際乎守身若此其嚴而彭更猶以傳食爲泰
萬章至比於禦人之貨孟氏守身之嚴可知今人取與不慎
多援孟子交以道接以禮之說以自便其私豈不謬哉

徐鉉字電發號拙存又號虹亭晚號楓江漁父江南吳江人監
生由戶部尚書梁清標薦舉授檢討尋乞歸著有南州艸堂集
菊莊詞

虹亭受業於計甫艸先生鴻詞之舉先生已沒京師老輩都
爲太息虹亭以少年得之擅詩詞尤工豔體晚歲成本事詩
時盛傳竹翁寄詩云不應尚戀閒釵釧棗木流傳本事詩

蓋微諷之也

富孫按虹亭少刻鞠莊樂府朝鮮貢使仇元古見之以金餅
購去貽詩云中朝攜得菊莊詞讀罷煙霞照海湄北宋風流
何處是一聲鐵笛起相思吳江葉元禮題其詞云往余同菊
莊客燕臺一時同人若友虎人遠雪客古直楚鴻鷹垂掌公
季友永瞻輩交酒風流殆無虛日翦燭分題必拈小詞紀勝
每推菊莊獨步蓋菊莊詞綿麗幽深耐人尋味而又能落筆
敏妙宜其爲諸同人歎服也近復同游武林手一編示余對
西子湖光誦花間佳句淡粧濃抹彷彿相宜恨不與諸故人
同爲擊節耳展卷之餘因念古直蘭摧永瞻玉折回首昔遊
高歌幾曲似聽山陽鄰笛也嘗爲合肥龔端毅賞識臨沒謂

梁真定曰負才如徐君可使之不成名耶後果梁公特疏薦之

虹亭善繪事嘗以所作墨松索先徵士公題句詩云虹亭筆墨無不好以詩掩畫誰能知偶寫玉山釵落句流傳今有畫中詩國初諸老輩無不兼工藝事如巖藕漁米紫來李配瞻葉九來法黃石高曼苑薦列詞科者山水竹木並臻絕妙其餘諸公尤難悉數吾家藏有前輩投贈先徵士公書畫便面二大冊洵足寶也

朱竹垞南州集序云電發以詩名江表者三十年游屐所至名流必與酬和予年衰老頗耽著書廢吟詠而電發方肆力於詩古文辭九州之表四海之外尚有賞音者况白世而下

豈無好之者哉

今世說云電發英姿玉立倜儻有大志好古博學通經濟弱冠才名蔚起搖筆數千言倚待立就又云電發早歲韶令天姿英敏年十二和無題詩有殘月無情入小樓之句長老咸嗟異之

沈筠字開平號晴巖浙江仁和人康熙己未進士改庶吉士由戶部主事黃雲企薦舉授編修未久卒著有斗虹集

遇孫按晴巖少有雋才嗜學敦內行嘗割股內和藥以療父病既而母病亦如之爲文睡地立成而選簡清綺諸子百家

咸集腕下詩以陶徵士爲宗然未嘗以摹仿傷格也

松窗筆乘云仁和沈開平上海錢越江旣並膺薦舉又同中

戊午己未鄉會試三月

銜試授翰林五月選庶吉士復列其名兩膺詞林之選士林榮之

周慶曾字燕孫號配瞻江南常熟人順治戊戌進士兵部觀政考授內閣中書陞補主事由刑部主事俞陳琛薦舉授編修著有硯山遺藁

富孫按先生父名士宏家素封好行其德先生性亦好善鄉試時次京口有官負逋自投湖者盡出其金代償之得解舟而去後成進士念親老卽乞假南還薦授翰林甲子典浙閩鄉試將受事卒於杭州公署

尤侗字展成別字悔菴又號良齋晚號西堂老人江南長洲人

順治戊子拔貢生直隸永平府推官以事降調由兵部尚書王熙工部尚書陳鼐永薦舉授檢討告歸著有西堂雜俎良齋雜記西堂全集鶴棲堂藁

先生明季爲諸生有聲庠序於時各雜以排儷體一時效之我朝以選拔爲博士升司理以鐫級去官康熙甲寅居京師與彭先生南昫令弟寧求暨宗人羨門所謂三彭也結壇文星閣頌本願經玉局元君爲杜公喬林黃公道周豫告南昫先生以丙辰會狀并許諸人入翰苑至丙辰南昫先生果及第下科寧求亦登鼎甲己未而羨門居榜首先生列二等又許先生以兩世詞垣至戊辰而子珍亦得館選先生感恩賦詩盡悔其少年綺靡之作而西堂雜俎已沁人心脾矣集

出芝庭夫子之門得見質神錄獲聞其詳附識於此

富孫按同入史館者先生年最長以齒敘四十九人悉坐其
下未幾乞歸優游林壑復二十餘年已卯

聖祖南巡

御書鶴樓堂額以賜癸未

聖祖復南巡進官侍講先生工樂府早歲作讀離騷諸傳奇又
有秋波詞教坊內人播之管弦為宮中雅樂聞者豔之後入

翰林時

聖祖稱為老名士位雖不尊天下羨其榮遇比於李青蓮云

漁洋詩話云尤悔菴在史館作明史樂府百篇雖擬李西涯
往往駕出其上又嘗作外國竹枝詞百首

松窗筆乘云尤悔菴初著臨去秋波那一轉制義流聞 禁

中

世祖知其為徐立齋業師因取觀之歎為真才子及 召試官

翰林嘗借諸儒臣進平蜀詩文

上見其名曰此老名士悔菴以此二語刻堂柱左曰

章皇天語右曰

今上玉音在文人之榮

今世說云悔菴文辭超軼經術醇深弱冠名播天下所交皆
人倫英傑初仕永平司李後薦入翰林朝野榮之年八十七

卒

沈歸愚云西堂少歲專尚才情詩近溫李歸田後做白樂天

流於太易雖街譚巷議入韻語中或以遊戲視之比於王鳳洲之評唐伯虎不知四十至六十時詩開闢動盪軒昂頓挫實從盛唐諸公中出也

范必英原名之斌字之實號秋濤江南長洲籍吳縣人雲南提學參議允臨丁願之

學參議允臨丁願之

由庶吉士彭會洪等薦舉授檢討謝病歸

遇孫按秋濤古詩後儲書萬卷日誦讀其中凡古今經世大典及詩文源流歷歷能指數詩古文詞綺麗雅馴晚尤言汲引後進從游者多名雋之士云

崔如岳字宗九號雪峯直隸獲鹿人明巡撫應麒曾孫康熙乙卯舉人由監察御史轉

御史轉

行於世吾鄉沈

聞一進三峯後人詢其遺著云有詩一

後也

松窗筆乘云乙丑正月二十五日

上親試翰林詹事官八十一人於

初應制排律二十韻

上親定高下次日傳

上諭徐乾學喬萊等五員文學優通着議敘彭孫適等六十八

員文理亦通着照舊供職崔如岳錢中諧龐壇等八員文理

荒疎着調用雪後嚴寒筆墨皆凍予以怔忡力疾完卷夢

恩尚廁前列忝竊極矣

張鴻烈字毅文號涇原江南山陽人吏部新標子廩監生由兵馬司指揮劉振基薦舉授檢討降級除國子監助教遷大理寺副以憂歸

富孫按涇原詞濳豐蔚一時推爲大才官檢討時嘗疏請開支河轉漕以避河險又時興殿工採木遠省復有寬期減數之請事皆施行部議以不應密封鐫級憂歸後

聖祖南巡淮上迎獻詩賦特復原職

毛西河送張毅文歸郁洲山序云同官張毅文以言事去職自言家海東有郁洲山先考功思結廬其中而未逮予將長往焉竊思毅文無言責其所以蹇蹇直陳而不自顧者夫亦以鄉里蕩析思稍拯滔淫而出之於溺因不憚越職言事乃

聖朝旣行其言而徒以封題細故少就裁抑反輕去其鄉豈亦依約翫世之微情乎予隨考功先生父子登曲江樓飲酒賦詩辟易千百人越二十年考功先生仍就安車應建元之詔率毅文與予同上金馬門予因得與毅文並授館職不十年而考功已厭世曲江樓傾廢不可復問而予與毅文復於編纂之餘亦相繼言去矣

松窗筆乘云張毅文召試官檢討上疏陳三事密封以進部議降一級調用旣罷官放遊西湖與諸名士縱酒賦詩頽然自放未幾復入補大理寺副告歸

方象瑛字渭仁號霞莊浙江遂安人少傅逢年孫康熙丁未進士候選中行評博由總督倉場侍郎嚴沆薦舉授編修請歸著

有健松齋集

富孫按霞莊九歲能詩十歲作遠山淨賦驚其長老釋褐後

需次家居時邑多秕政與仲兒象璜字雪岷水膺薦舉以後為未及與試額當

道得允所請裁省脂膏萬計癸亥典試蜀中遠不合於時尋

請歸苞苴竿牘一不至於門遇有利弊則獄獄言之卒之日

闔邑建思賢祠於城南又有松窗筆乘三十卷未刊行

朱竹垞錦官集敘云遂安方君渭仁以宰輔之孫早成進士

既而用薦 召試入翰林歲在癸亥四川既定補省試於是

君奉 命過往歸雕其詩為錦官集二卷凡山川之阨塞風

土之同異友朋之離合悉見於詩君之詩既多信可傳於遠

者也

松窗筆乘云薦舉 命下少司農嚴顯亭先生薦予及朱錫

鬯魏冰叔拜疏前一夕手札召余同陸冰修王仲昭顧九恆

飲西軒偶及政府薦士某某九恆曰方君子亦被薦否乎先

生曰未也已又曰會須有人物色耳不知已繕疏詣且啓事

矣其薦士不使人知如此

今世說云方渭仁少年負氣自豪里中時有文會每當同人

擲管拈題苦吟面壁方與毛會侯輒握手修篁怪石間相與

縱譚天下事或誦近所為詩歌其贊間以諧謔日向午猶不

肯成一字同人來相敦迫始振筆直書濤怒雲舒不可端

倪又云渭仁性簡重天資穎異年十餘時即能搦筆成詩騷

短賦為鄉國豔傳祖書田少傅尤鍾愛釋褐益發憤讀書日

與同好以文章相切劘四方人士翕然宗之

李澄中字涓涓號雷田山東諸城人康熙壬子拔貢生由監察御史鞠珣等薦舉授檢討官至侍讀著有滇程日紀良齋文選臥象山詩滇南漁邨等集

遇孫按漁邨工詩文遠近學者多宗之庚午會典雲南鄉試致仕歸里清白自守足迹不入公府

施愚山燕臺詩敘云渭清以諸生被徵擁書臥僧舍不肯干恩達官其詩多豪逸清遠有類乎閒居之所爲吾以爲有詩人之風山左舊遊舉進士能詩者既有田子綸曹升六王仲威諸子李子與卽墨楊子六謙又同 召至都下不爲不遇吾嘗校其文拔最多士今數來論詩詩日有聞吾喜諸子之

足張吾軍也

毛西河臥象山人集序云往予來京慕李漁邨之爲人旣從李學士宅誦臥象山人詩愛之又旣得交漁邨且同受館職爲史官乃歎漁邨非常人今之人未有如漁邨者也其爲人慷慨厭世苟薄以龐達自居與人交不沽激戀戀多布衣驢其視得一官如贅肘之附於身而獨以文章與山水爲終生簿領嘗思臥象山不得見對酒躅足日吾嚮入臥象視如室房每出一步數顧若辭家人然今鞿此有年惘惘然使我爲無家之客何哉漁邨縱橫倘募詩歌婉附具風人致文激亢不可下而文采爛然是豈尋常所易及耶

吳元龍字長仁號臥山江南華亭人康熙甲辰進士授宏文院

清書吉士歷任工部郎中由督捕理事張永祺薦授侍講著有問月堂集

遇孫按臥山奉親以孝聞子廷揆癸巳進士歷官太常少卿才望亦著

龐塏字霽公號雪崖直隸任邱人康熙乙卯舉人由刑部主事李模內閣中書張星耀薦舉授檢討改工部主事出爲建寧知府著有叢碧山房集

富孫按雪崖有詩名頗通禪理爲人恬澹升沈隨時不以經心叢碧山房詩分翰苑舍人工部戶部等集前人謂其所嗜專以篤故所成精以深詩也進乎道矣

朱竹垞叢碧山房詩敘云檢討任邱龐君善古今詩戊午以薦舉得受官又六年復試詩賦於保和殿君所作不合意當改調於是君閒居集平生詩爲叢碧山房彙誦其詩雅而醇奇而不肆合乎唐開元天寶之風格北地之言詩者未能或之先也

王阮亭云在京師五月中與同人爲結夏文字之會一賦得五月江深艸閣寒一鏡湖五月涼一五月賣松風人間本無價龐工部雪崖詩云閒傍蒼松置短牀南風瀟灑透衣裳人間第一清涼散休把千金比禁方南薰灼灼自天中五粒陰多障遠空莫怪山僧開橫口快哉不數大王風嘒嘒鳴蜩毒熱新松枝輕颭午風勻此間好似清涼國遮莫鋪金買售人龍州部雷岸詩云岸幘披襟意爽然憑誰索價且高懸東坡

只欲時人買剛道清風直萬錢滿袖攜歸且嘯歌紛紛觸熱
客何多涼風爭似涼州好此價惟須問孟陀

毛奇齡原名甦字大可一字于又字齊于別號河右又號西河
又有僧彌僧開初晴秋晴晚晴春莊春遲諸號浙江蕭山人廩
監生由浙江巡撫陳秉直薦舉授檢討告歸著有西河全集
富孫按西河當明末卽有盛名後爲怨家所構避居淮上變
易名姓及 召試年已遲暮入史館與陳迦陵並稱爲毛陳
李相國湘北以西河詩擬之少陵文擬之韓吏部學擬之孔
穎達陸德明輩其所自負者獨在經學其解經多與宋儒柄
鑿與閻潛邱同以詆諆爲事古文尚書冤詞一書駁正潛邱
遠出其上朱竹翁稱其如輸攻墨守未爲平允之論蓋攻者

非而守者是也平生持論喜事功厭空譚於九經諸子苟及
禮樂經曲律呂諸事皆能極根柢而貫其枝葉匪苟然者
施愚山毛子傳云大可少與兄萬並知名人呼小毛子性恢
奇負才任達與人卻坦然無所忤賢者多愛其才曠就之普
詩歌樂府填詞所爲大率託之美人香艸以寫其騷激之意
纏綿綺麗按節而歌使人悽悅又能吹簫度曲游靖江當壚
馮氏者悅其詞欲私就之毛謝曰彼美不知我直以我爲狂
夫也徑去又嘗自言生平可幸者三一行文無宋人論習志
無負郭田作衣租食稅男兒三不爲繼子慈孝兩隔水火
制科雜錄云子體羸手背以北方風高每瘋燥作癢族弟會
侯送藥劑來飲之忽筋腫膚爛手腕脹如瓠不可執筆因作

呈詞一紙於過堂時告驗時滿漢太宰皆執不許掌院葉師以爲僞也云君但洗去其藥自愈矣至選君楊公則准人故知予者慰云天下名士有幾若先生告去則此舉爲不光矣試日仍難執筆及賜宴時強把金筋指小誦因草草完卷卽出

松窗筆乘云毛大可在翰林上表進所撰韻書

上善之明年遂特簡分校會闈既謝病家居殫心經學又作太極圖辨謂陳希夷以道家之說解經極詆周元公并及朱子其說甚辨然詆毀太過予嘗以此規之

沈歸愚云西河湛深經學著述等身在國朝可稱多文爲富者惟攻擊宋人不遺餘力至鐫書若干卷以示旗鼓藝林惜之其詩學規樞唐人而能自出新意不同於規孟賁之目畫西施之貌者也

錢金甫字越江江南上海籍華亭人康熙己未進士授庶吉士由戶部主事邵延齡薦舉授編修官至侍講學士著有保素堂集

富孫按越江少負才藻工詩古文名盛一時典試江西有知人之鑒尤篤師友之誼多陰德父程有行義鄉里咸推爲長者

朱竹垞錢學士詩敘云錢君越江與子同官翰林子以入直內廷獲譴君由編修累遷至侍講學士然敝裘羸馬未嘗謁權倖門惟與鄉黨故人數爲文酒之會詞山曲海魚經蟹

志靡所不譚坐有語及官資遷擢者君輒恚後會其人不速
至竟引避之獨對子懽洽無間申之以婚媾余既罷官將歸
君日載酒款曲以爲別君雖貧能急人之憂君之師有卒於
官者君以奉錢治喪紀俄而其鄰人失火延及師舍君率力
士負棺出火燎其鬚不顧也又有被遣者三日當出關君亟
稱貸拮据兩晝夜追及其車慟哭而返客或暴卒於都亭外
君犯暑疾馳抵盧溝視其歛或陷於獄當辟君屢率私錢力
援之事得解其篤於師友如是故其爲詩纏綿悱惻不失溫
柔敦厚之遺其爲文條達無規仿凌駕之蹟自其少日爲王
光承玠右吳騏日干兩高士所稱道而君之叔父葆勳亦樂
與酬和子旣旋里是夏君以疾殞京師冬孤子長涵扶喪歸

踰年始哭君於黃浦之東高橋里荒溝古水莫有問及可問
途者叩其門有雞犬無僮僕見其孤問其所有僅木棉花地
一頃不足輸井稅爲悽然久之尋出君集請予敘因述君行
槩俾後之論世者知君之爲人

吳任臣字志伊一字爾器初字征鳴號託園浙江仁和廩生
建莆田人由內閣中書王穀振等薦舉授檢討著有周禮大義
禮通十國春秋山海經廣註字彙補等書

遇孫按顧亭林稱其博聞強記羣書之府所著十國春秋搜
羅廣博雖有一二疵累不礙其爲完書其凡例云帝稱本紀
王稱世家古史家體也後世非天子而遽列本紀誤矣卷中
帝則斷爲本紀王則降於世家間有孫子卽帝位而追崇祖

考如吳太祖烈祖高祖閩太祖南漢烈宗尊諡則從後日而敘事猶號世家所以紀其實也然三代及秦之先皆諸侯而史公均載入本紀若就一姓之中爲王爲帝條分縷析致使父子兄弟書法各異而究其所以異者不過異其名而同其實非特失史之體亦昧乎史公本紀世家之義矣又云瑱事織語不忍遽棄然瑱細之事如趙鎰額上常有肉隱起及其死破額得珠識者曰此人珠也既死不可復用而載於吳太祖世家中至書年號當係某帝馬班以來皆然此書開卷之始祇稱中和三年三月不書明唐僖宗誤矣又吳太祖世家天復四年夏閏月乙巳唐改元天祐大赦天下秋八月李神福攻鄂州未下會得疾還廣陵案此年八月壬寅朱全忠私

唐帝於椒殿輝王祚卽位此史家大關目也何以不書下年載王寢疾遣使召子渥於宣州案新書方帝困鳳翔再遣使督兵以爲行密可亢全忠者然兵至宿州給言糧盡乃還全忠脅帝東遷行密恥憤被病全忠亦知天子倚行密爲重乃弑帝以絕人望行密聞之發喪不視事三日因是病篤書中亦不書明得病發喪之事皆失史家體也

吳星叟云志伊好奇讀書世故未之識也許彖爲學使者黜之陸行人培手其卷註釋徧告士大夫學使者知之遽讀尋釋曰信誤矣亟易之由是名噪生平多所論著又精樂律嘗於市上見編鐘一枚曰此大呂鐘也後滌視款識云古大呂之鐘

今世說云吳志伊志行端慈博學而思深兼精天官奇王之術射事多中時人比之管郭又云志伊酷耽文籍綜博無遺嘗與吳錦雯會飲馬鳴九齋許錦雯問鄒殿二字何讀志伊

曰殿也同本秦權古文鄒許同本說文長箋錦雯歎服

陳鴻績字子遜浙江鄞縣人順治丁酉舉人原任江南睢寧知縣聖誤由監察御史鞠珣等薦舉授檢討

富孫按子遜博涉經史於儒先理學之旨根極底與令睢寧時愛民重士睢人德之丁巳夏運河衝決子遜身先工築力障狂流閱四十日底定河臣具疏獎之

吳星叟云陳子遜以邑令召入未幾而漕督以誤漕參革職尚欠錢糧三千餘及子遜官翰林督撫以下私慰其家許

公為填補且待之甚厚子遜入翰林僅十二日而卒子遜既卒即追徵之且下子於獄而問其孥不遣

曹宜溥字子仁號鳳岡湖廣黃岡籍江西東鄉人廕生由湖廣巡撫張朝珍薦舉授檢討乞歸

遇孫按鳳岡為學士本榮子順治丁酉召對南苑得稱

旨薦舉官翰林數年乞歸竹翁有餞曹檢討詩云曹子酒戶大十榼飲不休可見其豪

毛升芳字允大號乳雪浙江遂安人明少司馬一鷺孫康熙壬子拔貢生由戶部主事方元啟薦舉授檢討著有古獲齋駢體

竹枝詞

富孫按乳雪天才敏異五歲時見王子安滕王閣敘元微之

連呂宮詞便朗朗成誦音韻鏗然觀書數行兼下爲文頃刻
于言塾師督舉子業甚嚴每乘暇竊取詩古文默識之入翰
林嚴謹不苟授經 顯藩見敬禮焉

曹禾字頌嘉號峨嵎江南江陰人康熙甲辰進士考授內閣中
書由大學士李蔚杜立德馮溥薦舉授編修官至國子監祭酒
著有峨嵎集

遇孫按峨嵎在翰林時疏請封禪爲給事中王承祖所駁而
請與巡狩阮亭云二者皆著於白虎通未識兩說孰爲是非
也康熙辛酉增 起居注日講官八人爲峨嵎暨湯潛菴秦
對巖徐健菴王瑄湖朱竹垞嚴滿漁潘稼堂鴻詞居其七云
松窗筆乘云曹峨嵎上疏請封禪予在皖城遇倪閣公共讀

其奏予笑曰鍾伯敬評司馬相如封禪頌謂長卿豈真有所
求直是胸中有一篇好文字不肖埋沒耳峨嵎想亦是此意
聞公笑而然之

黎騫初字子鴻號瀟僧後字瀟雲江西清江人順治甲午恩拔
貢生由監察御史鞠珣等薦舉授檢討著有玉堂集

富孫按瀟雲父名祖壽前癸丑進士南吏部郎中入祀鄉賢
督學元寬爲瀟雲從祖亦臨江世族云

高詠字阮懷號遺山江南宣城人歲貢生候選知縣由監察御
史鞠珣等薦舉授檢討著有遺山堂若巖堂等集

遇孫按遺山幼有神童之目書畫與詩世稱三絕十五省試
不售年近六旬始歲貢入太學崑山徐相國時爲大司成延

之家塾嘗謂曰先生弱冠蚤致盛名余甫就傳願一見顏色
不可得今乃屈致門下實慚且幸遺山唯唯絕無遜讓意又
數年入翰林未幾以老病去官卒

施愚山遺山堂詩敘云阮懷夙有俊名總角補諸生輒仰餽
有司試必稱最固宜咄嗟取科第天獨因折之使久不得吐
氣其大父瀛臺先生刺興國州廉直無長物阮懷賣書給膏
火壯年喪妻積數歲不得娶日夕堅坐手一編苦吟至夜半
故其詩優入乎古人今其入對策大廷也橐其書游名公卿
間必有折輩行與定交者其立名都下無疑也

吳陳炎曠園雜誌云高阮懷少時嘗夢於市上行見幅字不
敢踐尋側路行不覺輕舉入雲中見樓閣壯麗心知其爲天
庭也方疑懼有導行者引至文昌宮命之曰姑坐此驚而寤
作飛龍引紀之後以薦舉授史官數年復夢前境心惡之引
疾歸里起居如常每語人曰當以二十八日辭世而究不言
其故明年二月卒果二十八日也

龍燮字理侯號石樓又號雷岸江南望江人廩監生由內閣中
書王穀振薦舉授檢討官至中允

遇孫按石樓有詩名工詞曲瓊華夢芙蓉城諸傳奇頗稱於
時

王阮亭云龍石樓中允作瓊華夢傳奇成招余輩觀之余酒
闌賦八絕句有自搯檀痕親顧曲江東誰似阿龍超之句門
人蔣靜山和云玉崑崙碎爲檀超余歎曰蔣五此押檀場

矣

邵吳遠字呂璜號戒三浙江仁和人康熙甲辰進士選庶吉士
歷陞光祿寺少卿由江西巡撫修國積薦舉授侍讀官至侍講
學士著有史學辨誤戒三文存河工見聞錄京邸粵行等集

富孫按戒三初龔舅氏吳姓名遠後復姓更名遠平性耿直
不稍媵娶康熙乙卯視學江右時值滇逆軍興劬午兼理軍
芻士民離竄遂捐設試場士子至者隨其後先輒試之甲乙
殿最取決俄頃無不驚服列郡學多廢按試皆居城外及再
任十三郡學宮悉為重修有建昌士人妻被擄掠者訴之卽
傾囊以贖辛酉典試粵東又與修一統志尋致仕歸高祖宏
齋經刑部當明世宗朝以議禮廷杖謫戍所著宏道宏簡宏

藝三錄戒三欲重刊刻內失十二卷徧求不得方授梓有容
自吳中得零帙數卷至與所失適符全集遂成歸田後息影
湖莊杜門謝客著續宏簡錄并自作年譜敘其出處尤篤族
誼置莊田以供祭祀鄉人稱之

毛西河宏道錄序云戒三先生成進士讀中祕書出為江介
宗師復以力學舉制科重侍講筵作東朝保傅於以揚
世德之駿誦先人之芬豈復有愧乃校宏藝宏簡錄而續其
未備至於宏道則隨類加訂引據既該博而考辨論析往往
抉羣書之奧以補前人所未盡會

天子念河功未成特簡先生理南河於負薪之餘重為檢校
既已成一家之書而復刊行之為天下後世所矜式此其於

道為何如者

李石臺蓮龕集云 本朝賓與凡十有三江右獨阨其四奉行者不審朝廷所為慎重之意務以凌削立威名邵公戒三匡救被濯紀綱始振諸為援其俘獲恤其此離或下賑旅餼或代輸公府皆出人意料之外支郡多故諸司寄署省會大帥皆擇地而蹈公減騶從卻廚傳叱馭於層巒巨浸中無敢睥睨者經濟大畧已見於是豈尋常知勇可同日語哉

嚴繩孫字蓀友號藕塘漁人江南無錫人明刑部侍郎一鵬孫布衣由刑部主事俞陳琛薦舉授檢討官至中允請假歸著有秋水集

富孫按藕漁六歲即能作徑尺大字以詩古文詞擅名早棄

諸生 召試日以目疾僅成省耕詩入韻閣中閱卷已不錄

聖祖素重其名與三布衣同授翰林尤異數也在史館纂隱逸傳容與蘊藉多自道其志行書法入晉唐人之室兼工繪事山水人物花木蟲魚靡不曲肖又有瀛臺侍直七言絕句詩二十首流傳都下辛酉典試三晉有得士之目擢中允遂謝病歸

朱竹垞秋水集敘云無錫處士嚴蓀友以工詩聞書畫兼臻其妙來游京師公卿薦紳爭為矜譽予特愛其古文辭澹然而平盎然而和雍容紆裕而不迫庶幾可入古人之域視世之鏤琢字句以眩人耳目者遠矣

徐虹亭云蓀友為貴公子孫早歲拂衣蕭疎澹遠脫然塵壒

之外識者目爲倪元鎮一流詩篇意象超越不爲綺靡之音
摘其一二語猶當遺世獨立也

高江邨云藕漁負卓犖之才高尚其志徜徉山水數十年所
懷狷潔軒冕富貴不動其心詩酒筆墨自娛而已梁谿之人
爭以倪雲林目之及官翰林侍講幄記起居於是感激自
奮不忍以向之高尚狷潔之懷上負知遇凡職所當盡者
罔不夙夜兢兢

鶴徵錄卷第一

門人張湘校

鶴徵錄卷第三

嘉興李集敬堂輯

從孫富孫

孫男遇孫

內閣中書七人

王方穀字直隸新城人歲貢生授中書銜

朱鍾仁木姓邱字近夫江南崑山人生員授中書銜

富孫接近夫學問頗爲當時所推重時書先生膺薦舉有

理學入程朱之室文章登韓柳之堂曰此非予所敢當但

見邱近夫潘次咩諸君子同在與此則可喜也

申維翰字周伯江南江都人廩監生授中書銜

王嗣槐字仲昭號桂山浙江仁和人
生員授中書銜著有桂山堂偶存嘯石齋詞

富孫按仲昭與同里吳農祥吳任臣海寧徐林鴻蕭山毛奇齡宜興陳維崧咸爲益都馮相國延致邸弟稱佳山堂六子所著太極圖說論意在排斥二氏謂太極圖說出於北固老僧華山道士傳之點綴其文詭託濂谿之名者凡著論七十九篇不下數萬言此真可以破圖學之僞而大有功於易義者

松窗筆乘云王仲昭少工駢體晚乃專爲大家之文二體並傳世罕其匹戊午游京師馮文毅公館之東軒會舉鴻臚御史成公其範薦之 召試體仁閣以詩韻誤失一字不中格

授中書舍人戊辰

太皇太后升祔禮成仲昭撰 孝德廣運頌

上南巡奏獻於靈隱寺後羣臣送

聖駕 特召仲昭至河干 諭以所進文字已看過尚有數語

以舟行疾聽未真觀者莫不榮之又云仲昭待試 闕下時

撰廣盛詩一百韻又爲長白瀛臺一賦皆瑰麗可觀

今世說云王仲昭性簡脫與俗忤年過壯盛鬱抑不得行其

志日借友人散髮袒裸浮拍糟邱意極興酣嘻笑怒罵不復

知人間事又云仲昭慷慨善譚論於書無所不窺文詞瑰麗

尤工爲賦陸麗京謂西陵僵語家有靈蛇若儼胡

采仲昭絢若朝霞故當並推

鄧漢儀字孝威江南泰州人布衣授中書銜著有過韻集

遇孫按先生淹洽通敏貫穿經史百家之言尤工詩學爲騷雅領袖試歸日以吟觴自適暇或扁舟至菴坐玄臺子祠中執經問業者車馬塞衢巷嘗品次近代名人之詩爲詩觀凡四集別裁僞體力追雅音海內言詩家咸宗之與吳梅邨龔定山諸前輩時相唱和王阮亭稱其過大庾嶺詩二人馬盤空細煙嵐返照濃極是畫意

王吳字維夏號碩園江南太倉人布衣授中書銜著有碩園集遇孫按碩園爲麟洲先生之後生有異稟詩古文並如宿習婁東十子中尤錚錚有聲嘗論歷科應舉之文學者咸奉爲準的

今世說云維夏善詩歌古文詞樂府吳梅邨歎其才爲天下無雙孫介夫遇維夏於邗關執手道故王固善飲與入酒舍洗醖而酌浮滿數十盞時座客闕甚聞兩人聲奪耳皆瞪眸迎視氣爲不吐

孫枝蔚字豹人號漑堂陝西三原人布衣授中書銜著有漑堂前後續集

富孫按先生幼爲諸生遭流寇與其鄉少年奮戈逐賊落深塹得不死乃走江都從賈人游三致千金皆散去旣而閉戶攻詩古文辭名噪海內

施愚山送豹人歸揚州序云豹人北首入都初迫於有司居旣久諸待試闕下者多務研練爲詞賦豹人獨汎覽他書

問語答曰吾僑居廣陵數十口養餼待我使我官京師不令舉家餓死乎已入試不中良喜遂束書南歸

聖天子詔視諸布衣處士有文學素著老不任職事者其授京銜以寵其行於是及格者七人豹人與焉時論以放還處士膺舍人清秩恩禮甚厚而豹人忮屨踴踴自若其將以年授官也吏部集驗於庭獨臥不往旋被敦促乃徐入逡巡主爵者望見其鬚眉皆白引之使前曰君老矣豹人直對曰未也我年四十時卽若此且我前以老求免試公必以爲壯今我不欲以老得官公又以爲老何也衆皆目笑其愚然卒以老官之豹人今年已六十其詩操秦耳出入杜韓蘇陸諸家不務雕飾

先徵士公出都下口占詩云更愛維揚孫處士陸翁句裏說辭官註孫被徵以老辭吏部驗之不許被放後得

旨凡年高悉授舍人三閤老列其名上又以未老辭亦不許陸嘉淑贈詩有增年辭試減辭官之句

居易錄云豹人僑居揚州高不見之節予訪之先以詩云焦獲奇人孫豹人新詩雅健出風塵王宏不見陶潛遠端木寧知原憲貧遂爲莫逆交

池北偶譚云豹人以年老授官放還山初得正字龜詩云一官如籠鶴萬里本浮鷗獻賦曾非曼童年况異烈山人今上路小婦免登樓臨水看蝌蚪惟添錯字愁

漁洋詩話云豹人居廣陵卓犖負奇氣一日游焦山中流遇

風賦詩云風起中流浪打船秦人失色海雲邊也知賦命原
窮薄尚欲西歸太華眠予題其小像云絕澗長松不世情科
頭箕踞一先生胸中塊礪無人語落落琴聲大蟹行

今世說云豹人身長八尺聲如洪鐘龐眉廣顙以詩文名天
下宗定九題其抱琴圖小像詩云長松千尺挺宜揚箕踞孫
郎態更狂世上知音人不見一弦扯去見嵇康

未與試授內閣中書二人

傅山字青主初字青竹別字公之它亦曰石道人又字齋廬山
西太原人布衣授中書銜著有霜紅龕集

富孫按先生隱居著書工分隸善醫年七十餘徵至都堅臥
城西古寺中未與試授職歸所居名松莊潘稼堂雙塔寺確

集詩敘云出太原郡城東南行可七八里有寺曰永祚雙塔
巍然捎雲礙日見三四十里外浮浮若旌幢焉其下爲松莊
傅隱君青主所居也太守延津周計百於歲之初吉率子若
聳屏騶從挈壺觴躬造於廬竹垞詩所云憑君尋傅叟暇卽
過松莊是也

池北偶譚云太原傅山母夢老比丘而生生復不嘯一瞽僧
至門云旣來何必不嘯乃嘯六歲食黃精不樂穀食強之乃
復食讀十三經諸子史如宿通者崇禎中袁臨侯繼督學山
西爲巡撫御史張孫振誣劾逮山橐籥左右伏闕上書白
其冤馬君常世作義士傳比之裴瑜魏邵亂後夢天帝賜以
黃冠衲衣遂爲道士裝醫術入神有司以醫見則見不然不

見也已未徵聘至京師以老病辭與范陽杜越君異俱授中書舍人歸山工分隸及金石篆刻畫入逸品子眉字壽毛亦工畫作古賦數十篇常醫藥四方兒子其輓一車暮抵逆旅輒篝燈讀經史騷選諸書誦且成誦乃行否卽予杖則其父子皆奇士也按祁縣戴楓仲廷我撫晉四家詩書主父子居其二

全謝山傅先生事略云

先生思以濟世自見不屑為空言亂

後衣朱衣居士穴以養母甲午以連染遭刑戮抗詞不屈絕

粒九日幾死門人有以奇計救之者得免天下大定始以黃

冠自放稍稍與客接嘗自歎曰彎強躍駿之骨而以估畢朽

之是埋吾血千年而碧不可滅者矣戊午給事中李宗孔劉

沛先以先生薦時年七十有四固辭有司不可遂稱疾有司

令役夫舁其牀以行至京師三十里以死拒不入城益都馮

公首過之公卿畢至先生臥牀不具迎送禮蔚州魏公乃以

老病上聞詔免試放還特加中書舍人以寵之益都詣先

生強入謝不可令賓客百輩說之稱疾篤乃使人舁以入強

掖之使謝則仆於地蔚州進曰止止是卽謝矣次日遽歸先

生歎曰自今以還其脫然無累哉既而又曰使後世或妄以

劉因輩賢我且死不瞑目矣

玩吾山云太原古晉陽城中有傅先生賣藥處立碑衛生堂

藥餌五字乃先生筆也青主善醫而不耐俗病家多不能致

然素喜看花置病者於有花木寺觀中令善先生者誘致之

聞病人呻吟僧卽言羈旅無力延醫耳先生卽為治劑無不

應手而愈亭林先生嘗以蕭然物外自得天機稱之

杜越字君異號紫峯直隸定興人生員授中書銜著有紫峯集
富孫按先生為同郡鹿太常善繼高弟與孫鍾元徵君友善
互相砥礪志行高潔不求聞達家貧布衣蔬食授徒自給一
時名彥咸師事之薦舉至都以老病請於吏部不與試故部
議不及

特旨以文行素著與傅山俱授中書是時年八十四自古未有
之典也

居易錄云定興杜君異先生鹿忠節高弟家貧教授生徒以
給餽粥麤糲衣褐苟完而已即束脩亦不受孺人與同志紡
織佐之與人處油然和易終身無疾言怒色而剛介絕俗有

立萬仞之概亂後居新安新安人化之風俗一變老弱婦
孺親如父兄年八十餘飲啖不衰縣人高尚書問以養生之
術曰無之但平生未嘗嗔怒或以此得老壽耳所著紫峯集
趙少司馬玉峯麟為刊行趙云至聖言過勿憚改若先生則
無過可改楊常少敬菴叔云先生年八十五未嘗一日不樂
予謂邵子居洛四十載安貧樂道生平未嘗攢眉先生殆庶
幾矣

未試丁憂十四人

晉洛字潔躬又字秋岳號倦圃浙江秀水人崇禎丁丑進士仕
至御史順治初歷副都御史戶部侍郎出為廣東布政使左遷
山西陽和道裁缺補用保舉簽發四川軍前候用旋丁母憂不

復出著有靜惕堂集

先生學問為禾中冠冕閣中奧術上接焦弱侯官京師日堂
 上列書六七千冊人多至其家借鈔所藏弄尤富性好獎借
 後進從曾祖耕客公為先生門人先是詞之徵前一年早
 有信政府首推之先生堅辭云某為東家婦焉能復理糲效
 西家舉乎吾未有朱彝尊李良年徐嘉炎率皆淹雅閣通深
 意國體其材施之無所不可其推轂類如此次祖谷山公名
 維鈞少以諸生誅徒禾中先生見其時藝一篇大驚曰此大
 物也設酒招之縱譚古今大略公唯唯且諄致云觀君用口
 薄也後公循例起家四川都昌縣位至直隸制府嘗曰倦園
 先生吾生平第一知己遂為刻靜惕堂詩集八謂公若以科

名至開府先生以交決之已為具眼今公以貴郎進而能識
 之於軒夫子中是大法眼藏也

先生僅兵大同竹翁首訪之曾大父送以敘先生見之曰此
 嘗今人手筆耶手錄以去復遺書頌之與先公詩札甚夥惜
 逸去其贈竹翁詩連山萬餘里兵甲何洋洋諸章風格在魏

晉詩

先生晚年有春草七律四章和者徧三吳耕客公首章云錦
 似織時花半露碧相交處柳三眠三章云分開離別東西路
 楚盡天涯少長人先生定為感卷

先生居憂不應 召試杜門著述手輯學海類編其書精簡
 蓋唐宋元明以來秘鈔之本先生盡得之綜三百餘種誠龍

成之祕寶不止中郎帳中物也禾中同學沈子林茂手寫類
編目錄一小本贈予挈以自隨至淮上老友程魚門見而玩
不釋手今不知歸何所矣猶記經部有趙汭金鎖匙集部有
竹翁研說一卷先公詞壇紀事二卷詞家辨証一卷
富孫按先生雄才博瞻當時與龔尚書定山齊名人稱龔曹
愛才若渴雖郭泰之獎拔士類極彘之藻鑒人倫不是過也
晚年於金陀坊築倦圃以歸老世稱倦圃先生薦修明史不
赴輔崇禎疏鈔傳諭錄以呈史館又著續獻徵錄五十輔臣
傳俱未刊行學海類編一書蒐羅繇富多人所未經見之書
錄有四百三十一種門人陶艾邨續編一百四種先徵士公
遺蹟紀事一書家藏前無片稟近於沈雙湖吏部處假得謹

錄一本吾里又有杜宗伯遇徐海防述略一種惜黎棗功鉅
無人能任其事也

池北偶譚云曹侍郎秋嶽好收宋元人文集嘗見其靜陽堂
書目所載宋自柳開以下凡一百八十家元自耶律楚材以
下凡一百十有五家可謂富矣

松窗筆乘云薦舉令下政府諸公首以曹秋嶽列薦力辭不
至進所藏崇禎朝邸報五千餘冊上史館時崇禎未有實錄
乃取邸鈔輯爲長編作史始有所稽考焉

戴王綸字杉極又字經碧號一齋直隸滄洲人戶部尚書明說
子順治乙未榜眼授編修陞補江西糧儲道革職

遇孫按順治戊子北榜有三及第先生第五名乙未榜眼

第第四名張永祺王辰榜眼及第第八名熊伯龍己丑榜眼
及第洵極一時之盛弟王縉戊戌進士官御史亦同時顯
云

汪懋麟字季用號蛟門江南江都人康熙丁未進士授內閣中
書舍人薦舉以未終制辭補刑部主事罷歸著有百尺梧桐閣
集錦瑟詞

富孫按先生授中書每入直必攜書數冊竟夜展讀時有楚
人朱二眉號神仙傾動公卿先生著辨道論力詆其妄值憂
歸兵部尚書宛平王公工部尚書海寧陳公交章論薦徵車
不赴服闋以主事銜入史館與修明史越三年補刑部能辦
疑獄仍直史館尋罷歸杜門絕俗窮治經史文法歐曾詩合

唐宋爲一家

王漁洋汪比部傳云吾詩才稟姚跌蕩其師法在退之子瞻
兩家而時出新意稱詩筆下與田綸霞宋牧仲曹頌嘉丁澹
汝王幼華顏修來曹升六謝下勿葉井叔相倡和號十子歸
田後鍵戶謝賓客晝治經夜讀史日有程課銳意著述成一
家之言既得疾彌留令洗硯磨墨嗅之復令烹佳茗以進自
謂香沁心骨口占二絕大笑嗒奇絕而逝

漁洋詩話云江都門人汪季用詩才雋異古文學王介甫游
吳題寒山寺云吳中池館日吹簫只有寒山寺寂寥搖落江
楓對漁父行人歸去雨瀟瀟題顧符稹畫云昭陽顧生畫樓
觀絳闕瑤房生白雲如蠶宮人三百六丰神都似李將軍

徐虹亭云蛟門天祿燃藜金門據地彈碁頌酒不減名輩風
流嘗於清明日集諸名士送朱十錫鬯之揚州云今年二月
已春分白袷單衣暖氣曛欲唱渭城誰進酒綠楊樓外見紅
裙又云揚州勝事滿林臯此去猶能賞碧桃無數畫簾鉤落
日一湖春水漾輕篙情致妮人論者以為酷似微之牧之也
今世說云汪蛟門事親孝事兄恭擇人而友之敬而能和其
立心澹蕩而高明居百尺梧桐閣隱囊塵尾頌酒彈碁與致
蕭遠飄飄欲仙

王穀韋字鄂叔浙江會稽人福建叅政以寧孫康熙庚戌進士
授內閣中書歷官淮安知府致仕歸

高孫按鄂叔居鄉極有矩矱歲時一報謁長吏外片牘不至

嘗時以介節稱所從老蒼頭數輩皆衣履傲敗飭子弟
苦食淡其家法為越中最先由中書薦歷刑部郎中出守淮
安在部時夏包子作亂伏誅

上諭諸脅從從寬楚臬多擬重辟 特命進悉改之湖廣
上司欲請開採疏黃詭以土和之云臬泥可代煤鄂叔察其
姦白於尚書不許後蒞淮或以兩淮多隱匿涸田入告 命
熊豕宰賜履抵都察之鄂叔曰淮屬涸田固多然田坍而正
額未除者亦不少請以涸田與坍田並報疏入果得蠲免四
千餘頃入稅者止三千餘淮民德之

陸隴其字稼書浙江平湖人康熙庚戌進士授江南嘉定知縣
官至監察御史雍正間從祀 文廟乾隆初追贈閣學兼禮部

侍郎諡清獻著有三角堂集松陽講義日抄困勉錄等書

公少好學初以叔氏之殉不欲出年三十始應試後以進士
令嘉定著循聲改松陽以鴻詞徵蓋兵科給事中吳源起保
舉也戊午冬至京師留數月聞訃奔回服闋補靈壽令旋登
御史直聲震朝右卒以忤上官放歸尋奉

旨起用學臣公歿已踰年矣

公銳意宋學深非陽明之說湯潛菴嘗遺書規之晚年講求
天文河上水利諸要務所著三角堂謄言多切於實用其為
御史立申忤時議禍幾不測俄有安置奉天之信公曰奉天
亦可讀書也真賢達人語

遇孫按公一生造詣務在躬行實踐自為縣令以至御史其

設施無不為國計民生起見嘗有宦遊雜記每日之見於
行事者必詳書之大抵有關於道德政治公不欲為文人不
欲刻文集故篋無遺藁則公之抱負可知也

徐鄴城云清獻公躬行君子道醇德備是立德也作令則為
循良建言是徵忠直是立功也著書作文無非所以明道
崇正修己治人無乎不到是立言也可謂一人而具三才
朽矣

羣屬惕原名恕字元龍號硯谿江南長洲人康熙辛未進士由
翰林改授直隸密雲知縣著有詩說硯谿詩集

先生成進士卽鍵戶攻經學先是鴻詞之徵以宅憂不赴試
所註毛詩一宗小序多采毛鄭孔氏之說鈍翁先生序之子

士奇字半農亦成進士入翰林爲廣東學政每封門畢危坐
大堂溫理史記前後漢書用記遍朗誦俄而繞座循環背誦
一字不遺諸生大驚曰吾輩非人矣一淬於學粵東知讀經
呂半農始孫棟字定宇世其家學熟精五經正義許氏說文
陸氏釋文等書其評毛詩註疏曰棟則以爲宋儒之禍甚於
秦灰亘古名言也著九經古義尤精
童孫按硯谿少從徐昭法游究心經學及詩古文詞鈍翁先
生少許可雅重硯谿之文硯谿所居曰紅豆書屋在吳城東
冷香谿之北吳郡東禪寺有紅豆樹相傳白鶴禪師所種
硯谿移一枝植階前因自號紅豆主人僧上睿目存爲繪紅
豆新居圖自題五絕句屬和者二百家

易錄云吳郡門人惠周揚詩說言博而辨不主故常可備
一家之言己酉予在淮陰始來執贄及余爲祭酒又從遊太
學辛未會試予以兵部侍郎爲考試官周揚適以第六人中
式入翰林甲戌三月

御試以滿文甚劣照原甲第以知縣用

錢芳標字葆勳號寶汾江南華亭人明刑部侍郎士貴子康熙

丙午順天舉人授內閣中書舍人著有金門棗湘瑟詞

葆勳擅詩歌尤精倚聲神似玉田徵車到日服尚未闕遂不
赴試後以孝廉爲中書舍人朱竹翁稱其詞可方駕南北宋
云

遇孫按葆勳風神秀異弱冠卽以詩名撫臣薦舉爲江南第

一才人

朱竹垞錢舍人詩敘云華亭錢君葆勳於學無不博尤工於詩其辭雅以醇其志廉以潔其言情也綺麗而不佻信夫情之摯而一本乎自得者歟華亭自陳先生子龍倡爲華縟之體海內稱焉二十年鄉曲效之者往往模其形似而遺其神明善言詩者從而厭薄之以爲不足傳由其言之無情而非自得者也若君者庶其可傳於後矣

池北偶譚云松江錢少司寇艱於嗣與夫人往天童祈子大師爲集衆僧問誰願隨錢居士往衆皆不答一飯頭老矣自言願往已而錢果得子名鼎瑞字寶汾後易名芳標字葆勳詞華麗藻有名東南中丙午順天鄉試官中書舍人旣而假

歸戊午薦舉值丁內艱不赴一日方與客坐齋中有僧至門持一械書云自天童來舍人啟視之殊不駭訝但云倉卒奈何明日晨起徧召親故與訣索筆書一偈云來從白雲來去從白雲去笑指天童山是我舊游處微笑而逝

今世說云錢葆勳總角卽好倚聲酒肆粉牆倡家團扇每因興會輒有斜行

陳學夔字解菴福建侯官人康熙己酉舉人授山東寧陽知縣陞兵部主事假歸著有性理全註杜詩註解倦菴錄榕城景物略等書

富孫按解菴當耿逆變作抗節匿橘園洲三年不受逆職尋丁父艱廬墓側少司寇任公克溥首薦應詔略云昔長安

賣賦洛陽之紙頓貴今全節罵賊睢陽之舌猶存時服未闕郡縣逼迫匍匐赴京顛乞終喪得請歸後授寧陽令興利除弊撫臣錢公珏疏薦陞兵部督理大通橋倉務又督廣東鈔關清慎精明不渝素守以遷葬假歸居鄉七年足不入城市張貞字起元號杞園山東安邱人康熙壬子拔貢生候補翰林院待詔著有杞田半部潛州娛老等集

富孫按先生少好學博覽羣書遨遊四方與海內名流揚榘今古時稱爲文章巨手常游愚山之門事節母尤孝克承其志薦舉以母憂不赴後史館缺員以翰林待詔用亦不就退居杞城故園日以著述爲事嘗博引古書作杞紀二十二卷王阮亭謂其體大思精深得太史公家法施愚山謂其原原

本本可補正史之遺又有鄉賢傳或語耳夢錄行於世

先生自序半部彙謂生平好讀詩古文詞及自操觚則爲文而不爲詩卽偶爲之亦不似蓋其天性然也故卒舍詩而爲文王阮亭嘗求先生定其文亦手定先生文論者至欲於愚山堯峯間展一席地則先生之文可知也

王漁洋半部集敘云張君杞園與吾弱冠定交青州餘三十年而不變博雅好古能鑿別書畫鼎彝之屬精金石篆刻間歲出遊吳越不通鈴下與高士名僧解逅山水間觴詠以爲樂旣而購書千百卷果然以歸君之爲人若此其爲文亦如之所謂勁而不詭舒而不俗向求之數十年而未見者乃近於君遇之

漁洋詩話云沂水高平仲中丞崇禎辛未進士官河南巡撫
歸殉壬午之難初登第觀政京師製衣一稱寄內自畫花卉
其上凡三十六種作三十二叢各題絕句八首張杞園待詔
作畫衣記詩略載於此對月偏成憶臨風更有思鄉心無可
寄聊寫最嬌枝花枝嬌且妍道之在懷絕好記花枝新憐取
衣裳舊輕襦畫折枝悠然感以思書時已懶着時心自知
霧縠偏宜暑冰綃迥出塵著時憐日采思憶畫眉人客邸長
安一專無畫長人寂影形

種圖思致亦極清語可誦

柯崇樸字寓匏浙江嘉善人給諫魯子副貢生官中書舍人著
有振雅堂集

先生所居小幔亭藏書甚富嘗與魯公竹坡而翁同輯詞綜
以未見周草窗詞話為恨屬其從子思以代遵王處借
鈔之即為刊行可謂近古者矣

遇孫按寓匏與弟給諫魯早年殫心經籍有文名以好客好書
稱寓匏方正自持魯周雍容爾雅弟之本用禪亦博瞻工詩
一門子姓時人以比烏衣之盛

朱竹垞振雅堂詞敘云柯子寓匏曹學士子顧館甥其於詞
蓋幼而習焉既而助予編次宋元人之詞又同周布衣青士
博采詞人體製探其源流為樂章考索一書其用心也勤其
倚聲也敏其於詩也兼工而日進於作者往歲在戊午寓匏
兄弟與余同以薦畱京師明年二月以父喪去又二年訪余

江南遇於燕子磯又二年至京師每見輒出其詞藁今之工於詞者大都昔曾與學士游讀寓匏詞當有以山抹微雲女壻見目者

柯維楨字翰周一字緘三浙江嘉善人崇禎弟康熙乙卯舉人著有紀游草澄煙閣詩

遇孫按翰周少時從河南至京師省給諫公將歸里門戚友之在客者皆相會賦詩既成集爲一卷名燕臺錄別詩晚尤嗜吟詠自號小丹邱有小丹邱客譚一書

先徵士公燕臺錄別詩敘云給諫公既用讜言碩論著聲朝列尤以家法稱於里黨翰周與其兄寓匏聿修並有才名以詩歌相奮勵與人交恂恂謙謹蓋不自矜其家世之貴顯抑

若并忘其才者前年周子青士寓子洞庭紀遊一帙旣歎寓匏聿修之工於詩今復讀翰周之詩於長安羈旅中不可謂非厚幸也然翰周年甫弱冠才高而志銳行且纂祖父之業其可傳者又豈止在區區歌詠之末哉

吳星叟云柯素培長君寓匏次君翰周皆戊午同徵是年素培六十翰周徵文以壽而凶問遽至兩君卽以外艱歸

黃虞稷字俞邵一字楮園福建晉江籍江南上元人生員

先生博雅能文尤深經學館江寧龔方伯署中與令子雋御衡圃交最契龔藏書甲浙右所刊授經圖春秋纂例諸書經其校正者爲多歲戊午應薦入京聞母喪還白下同人贈賻送行曾大父詩云幾夜夢驚身負米一時淚落手縫絲又云

隱同綿上文焉用詩補南陔願已妨無限絕裾親好在天何
摧折到黃昏後以著述自娛掩關不出有集未見

先生抵白門復曾大父書云羣公慰唁之章舟中讀之惟尊
作為第一晨夕驗諷血淚已枯云

富孫按先生寓居金陵後徐都憲立齋疏薦以諸生入館修
明史特加七品服俸得以馳封父母實未授官也藏書最
富尊人海鶴先生官南京蓋丞居江寧于頤樓中聚書七萬
餘卷他若山陰祁氏澹生堂鈕氏世學樓禾中項氏倦圃曹
氏皆東南文苑淵藪也

松窗筆乘云黃俞邨家晉江僑居白門博雅負盛名家藏書
甚富錄有于頤堂書目以薦起同纂修明史徐司寇奉詔

修一統志復疏請同事洞庭山未卒業不及授官而終

彭桂原名椅字士馨一字爰琴江南溧陽人監生著有泊菴詩

詞

富孫按爰琴詩文浩翰淹博伸紙數千言立就年十八始沾
帖括為諸生家貧數奇杖策出遊當世名公卿以不能羅致
為憾會膺薦舉以母疾辭不許陳情至再巡撫慕公鑒其誠
為之疏請旋遭母憂性豪邁抗爽敦義尚節詩如謁董江都
故居聽孫良侯拋鼓等極有關合不同風雲月露之作

姜澹園初蓉閣詩序云彭子爰琴善遊嘗三登泰岱臨日觀
觀秦漢以來所用事處為詩紀事時人擬之北征南山又編
歷漢沔走豫章尋匡廬諸勝與山僧道流棲遲者累月而後

出故其詩取象綜博託寄高遠驟卽之不可得其徑術旣而
悠然與之俱深往而不能返矣余去年與君相識京師自此
並轡燕趙梁宋陳蔡之郊以抵於廣陵一年之中寢處飲食
無弗同也

沈歸愚云陳學士子山攜爰琴詩見示係鈔本屬予選定刪
爲四卷催取甚促因節錄九章入別裁集終以不能多取爲
憾也

林以畏字 **浙江錢唐人布衣**

未試病故二人

葉舒崇字元禮浙江平湖籍江南吳江人康熙丙辰進士選內
閣中書舍人著有謝齋詩詞

元禮少補諸生年標韶令有河陽擲果之日暇日從垂虹橋
過樓頭有女子見而慕之遂病不支死之日葉復經橋畔其
母以聞葉入哭之女目始瞑同人各製詞以志其事中進士
不樂仕進鴻詞之徵歿已踰年矣

元禮最工四六愛讀哀江南賦嘗手註之人謂王逸之註楚
辭不是過也鈍翁說鈴載其爲鍾廣漢徵誅文述先公語曰
讀之如聞急風淒雨令人益增鄰笛之悲
遇孫按元禮年十三補弟子員英敏博雅美丰儀望之如神
仙中人後入北雍名噪都下

王阮亭古夫于亭雜錄云葉進士元禮神清不減衛叔寶少
負雋才嘗註庾子山哀江南賦爲時所稱己未閣中諸老亟

薦之皆欲為之道地蓋公論也至京師而病旬日竟死豈非命乎

說鈴云元禮素病羸然頗不耐杜門客有憂之者或笑曰猿狙之性動而彌壽余亦有詩規之

徐虹亭云元禮為仲韶先生孫與星期進士並擅文譽有大小阮之目早歲漂零倦游京維嘗與僕輩痛飲燕市有青山

埋骨黃鱸邈紅豆關心綠鬢殘之句
松窗筆乘云葉元禮少負雋才於書無不讀丙辰成進士名

重公卿間會舉博學鴻詞三相國交章薦之待試闕下與予交載酒登臨分題和韻後悅懶園花竹移居之旬日遂病

卒時方註哀江南賦未成也予哭之以詩有云淒絕牀頭未

竟書謂此

陳九勝字江南人

富孫按同時薦舉者吳郡黃靜御綜選聽嚶堂四六新書錄

先生蘇臺覽古賦一篇撫今弔古極蒼涼歷落之致

未試致仕一人

祝宏坊字子禮浙江山陰人康熙庚戌進士選授陝西會寧知

縣

富孫按先生性耿直學問淹博與嵇淑子交甚契為會寧令


民懷其惠父名紹燿以孝聞鄉人咸重其行誼



鶴徵錄卷第三



鶴徵錄卷第三


門人張湘校

其則其惠... 未始... 士... 我士... 我士... 我士...









陶